

JOANIS

REBIABA

HAMBA GYRAU-ZYMA.

THE GOSPEL ACCORDING TO SAINT JOHN

IN THE

CACHARI LANGUAGE.

UNIV OF
CALIFORNIA

TRANSLATED BY

REV. J. G. WILLIAMS, B.Sc.



SHILLONG :

PRINTED AT THE ASSAM SECRETARIAT PRINTING OFFICE.

1905.

[Price 2 annas 9 pies.]

BS2614
D5
1905

Agents for the sale of Books published by the Assam Administration.

Agents in India.

- (1) Messrs. Thacker, Spink & Co., Calcutta. | (2) Messrs. W. Newman & Co., Calcutta.
(3) Messrs. S. K. Lahiri & Co., Calcutta.

Agents in England.

- (1) Mr. E. Arnold, 41 and 43, Maddox Street, Bond Street, W., London. | (5) Messrs. P. S. King & Son, 9, Bridge Street, Westminster, S. W., London.
(2) Messrs. Constable & Co., 2, Whitehall Gardens, S. W., London. | (6) Mr. B. H. Blackwell, 50 and 51, Broad Street, Oxford.
(3) Messrs. Kegan Paul, Trench, Trübner & Co., Charing Cross Road, W. C., London. | (7) Messrs. Deighton Bell & Co., Cambridge.
(4) Mr. B. Quaritch, 15, Piccadilly, W., London. | (8) Messrs. Henry S. King, & Co., 65, Cornhill, E. C., London.

Agents on the Continent of Europe.

- (1) MM. Friedländer & Sohn, 11, Carlstrasse, Berlin. | (3) M. Karl Hiersemann, Leipzig.
(2) M. Otto Harrassowitz, Leipzig. | (4) M. Ernest Leroux, 28, Rue Bonaparte, Paris.
(5) Martinus Nijhoff, The Hague.

SHILLONG :

PRINTED BY E. HILL, PRESS SUPERINTENDENT, ASSAM.

mm

JOANIS

REBIABA

UNIV OF
CALIFORNIA

HAMBA GYRAU-ZYMA.

I.

1. Sygangha Gyrau dongba, ar Gyrau Ishorni lugu dongba, ar Gyrau Ishor dongba.

2. Bytamainu sygangha Ishorni lugu dongba.

3. Kurub-bo bytamai-jang jaba : jar jaiaiabasi musi-bo bytamaini binaga jaba giri.

4. Bytamaiha hang dongba, ar bo hang subungni-sini zynatai dongba.

5. Bo zynatai andarha zynaridu, ar andar bokho laiakha.

6. Ishor haiaba subung sausi sofaikha, boni bumu Joanis.

7. Bytamai saki rimani faikha, bo zynataini saki rifugotai, kurub-bo bytamai-jang lonfugotai.

8. Bytamai bo zynatai dongba giri, tikabo bo zynataini saki rima faikha.

9. Gibi zynatai dongba, jar habsauha faiaba kurub subungne zynatai rire.

10. Bytamai habsauha dongba, ar habsau bytamai-jang sylvamjauba, ar habsau bytamaikho mitiba giri.

11. Bytamai jarniha faikha, ar bytamaini jarni subungnisi bokho laiakha.

12. Tikabo bisilai lakha, bosine Ishorni bysanisi jamani iau rikha, boni bumuha loniabasine sosibo.

13. Bosi hajaikha, thinibo nia, byhaingni mujungtainibo nia, subungni mujungtainibo nia, tikabo Ishorni.

14. Ar bo Gyrau byhaing jakha, ar jini bisingha dongkha, (ar jing boni muima nukha, bo muima Bufani farang sausi mamang hajaiabalai), khasautai gyanang ar gibi gyanang.

15. Joanis boni saki rikha, ar rausi tikha, Ebonu bo, ang jarni gyrau kha tiba, Jar ani iahungha faiba, bytamai ani sygangha jakha; bedehe bo ani sygang dongba.

16. Bedehe boni sosotaini farang jung kurub maikha, ar khasautaini saulai khasautai.

17. Bedehe dara Moses-jang rijauba, khasautai ar gibi Jisu Kristoni jang faiba.

18. Sausibo musi kha'ibo Ishorkho nuba giri; Bysa sausi mamang hajaiaba, jar Bufani kuriha dong, bytamainu bytamaikho tifariba.

19. Ar Joanis ede tidu, bykhali Jiurau purohitraukho ar Lebiraukho Jerusalemni farang, Nung sere? t'hi sungma haiba.

20. Bytamai tilakha, tilaiajaiakha, ar tilakha, Ang Kristo nia.

21. Ar bosu sungkha Tikala sere? Nung Elaias? Ar bo tidu, Ang nia. Nung bo jogdaiaba? Ar bo tifinkha, Nia.

22. Odebani bosu bokho tikha, Nung sere? Jar jar jungkha haihakha bonisine jung tiffinma gylainang. Nung nuni bytaiha sumu tidu?

23. Bytamai tikha, Ang hagrahajo gyrauiabani gyrau, Ishorni lama fyleng, jogdaiaba Esaias tibalai.

24. Bonisi Pharisirauni farang haijauba.

25. Ar bonisi bokho sungkha, ar bokho tikha, Namai Kristo niakhade, Elaias niakhade, ar jogdaiababo nia khade, sumune baptais khylaidu?

26. Joanis bosikho ede tifinkha, Ang di-jang baptais khylaire; nis'ni bisingha sausi dong jarkho nisi mitia.

27. Bytamai ani iahungha faidu, ang jarni iafadab kurumabo gytai.

28. Byra Joanis baptais khylaiba bo Jordan bynar Bethabaraha edebasi dangjauba.

29. Nokhanaihi Joanis Jisukho boni rugungha faiba nuhi tikha, Habsauni pap langiaba Ishorni melma bysakho nai.

30. Ebonu bo jarni gyraukho ang tiba, Ani iahungha subung sausi faidu, jar ani sygangha sygang jadu ; bedehe bo ani sygang dongba.

31. Ar ang bokho mitiba giri ; tikabo bo Israelniha mitijaugotai, ang di-jang baptais khylaihi faidu.

32. Ar Joanis saki rihi tikha, Ang Bysekho shorgoni farang daufrilai jahi akhaiba nukha ; ar ebo boni bysauha dongba.

33. Ar ang bokho mitiba giri ; tikabo jar angkho dijang baptais khylaima haihakha, bonu angkho tikha, Nung jarni bysauha Bysekho akhaiba ar dongba nunang, bonu bo subung, jar Byse Gytarjang baptais khylainang.

34. Arang nukha, ar saki rikha, ebonu Ishorni Bysa.

35. Nokhanaihi Joanis ar bytamaini sisinigyni songfinba.

36. Ar Jisu daulaibaha naihi tikha, Ishorni melma bysakho nai.

37. Ar bo sisi gyni bytamaini ebo gyrau khanahi Jisuni iahung iahung tangkha.

38. Ar Jisu naifinhi bonisikho iahung iahung faiba nukha, ar boni-ikho tikha, Sumu symaidu ? Bonisi bytamaikho tikha, Rabbi (tislaikhade, eboni bytai, Hoja), Nung byra dongre ?

39. Bytamai bonisikho tikha, Fai, nunang. Bonisi faikha ar bytamaini dongtani nukha, ar okhali bytamaini lugu dongkha ; bedehe boha gonta maji jakha.

40. Joanisni gyrau joba khanaiaba, ar iahung faiaba gynini sausi Andreas, Simon Petrosni byda dongba.

41. Bo sygangtauha jarni byda Simonkho nulaihi bokhe tikha, Jung Messiaskho (tislaikhade, eboni bytai, Kristo) maikha.

42. Bo bokho Jisuni rugungha labukha. Jisu bokho naikha ar tikha, Nung Joanisni bysa Simon, nung Kephas (gonu Petros), tihi juru jaunang.

43. Nokhanaihi bytamai Galiliha tangma baukha ar Philipni lugu goronlaikha ; Jisu bokho tikha, Ani iahung ru.

44. Bethsaida, Andreas ar Petrosni nolaimani Philip dongba.

45. Philip Nathanelni lugu goronlaihi bokho tikha, Jarni bytaiha Moses daraha, ar jogdaiarau reblangkha, jing bytamaikho maikha, Nazaretni Jisu Josephni bysa.

46. Nathanel bokho tikha, Nazaretni farang sumu hamba kisa jufunang ? Philip bokho tikha, Naifai.

47. Jisu Nathanelkho rugungha faiba nuhi, boni bytaikho tikha, Nai, Israelsa sausikho jarni khaha tokitai giri !

48. Nathanel bytamaikho tikha, Namai bedehe angkho mitikha. Jisu bokho tifinkha, Philip nungkho jurubani sygangha, khandaufang kylaha dongbaha nungkho nuba.

49. Nathanel bytamaikho tifinkha, Rabbi, namainu Ishorni Bysa ; namainu Israelni raja.

50. Jisu tifinki bokho tikha, Bedehe ang nungkho tiba, Ang nungkho bofang kylaha nuba, odebani nung londu ? Ebositanebo dedau dedauiabakho nunang.

51. Ar bytamai bokho tikha, Gibi gibinu nisikho tidu, Nisi shorgoni derga kuruhi dongba, ar Ishorni daugaraukho subung Bysani bysau gyde gakuba ar akhauba nunang.

II.

1. Iahungha saingtamba Galilini Kanaha juruba ar Jisuni buma ora dongba.

2. Ar Jisu ar bytamaini sisirau bo jurubaha lungjauba.

3. Ar draka bidi jaiabani khaliha, Jisuni buma bytamaikho tikha, Ebosini draka bidi girikha.

4. Boha Jisu bytamaikho tikha, O mysaingju, namai-jang ang-jang sumu gylailaire ? Ani bubli duhabo faiakha.

5. Bytamaini buma iausrarakho tikha, Bytamai nisikho jarkho tire, bokhonu khylai.

6. Ora Jiurauni tarbani darajang, mongyni mongytam khylaihi dijauiba longtaini elaiaba dusang taido kamriba dongba.

7. Jisu bonisikho tikha, Dusangnisi di-jang gyblairi. Ar bonisi burgung nangsi nangsi gyblairikha.

8. Boha bytamai bonisikho tikha, Duha khaiko, ar jiriabani rugungha langhi tang. Bonisi langhi tangkha.

9. Ar jiriaba bo dikho jennaibani khalih jar draka bidi jalangba, ar byrani farang faiba mitiba giri, (tikabo jar jar di khaikoba bo iausraraunisi mitiba), damankho jurukha.

10. Ar bokho tikha, Kurubo sygangba hamba draka bidikhori jenre; ar subung gybang lungkhade, iahungha hamiaabakho rire; nung dasi sosibo hamba draka bidikho dengdukho.

11. Jisu Galilini Kanaha sinnisi khylaijenkha, ar jarni humu khaikokha; ar bytamaini sisirau bytamaiha lonkha.

12. Eboni iahungha bytamai Kapernaumha daukhy-laihi tangkha, bytamai ar bytamaini buma, ar bytamaini dafuing ar bytamaini sisirau; ar oraha bysaing gybang dongiakha.

13. Boha Jiurauni Gotai-dusi sampaba, ar Jisu Jerusalemha daukukha.

14. Ar Ishorko bisingha musu, melma, ar dautu faingiaraukho, ar beseng sylaiaraukho khamhi dongba bytamai nukha.

15. Boha uaduni raiaugong salamhi Ishorkoni farang kurubkho, melma ar musukho, baigorikha ar beseng sylaiarauni beseng saiflung khylaihakha, ar bosini bongflang meserhakha.

16. Ar bytamai dautu faingiaraukho tikha. Erani farang ebonisikho lang ; ani Babani nokho faingno da khylai.

17. Bytamaini sisirau uaingsokha, rebba dong, Nini noni jygabtai angkho jinang.

18. Edebani Jiurau tiffinhi bytamaikho tikha, Nungla edebansi khylaidu, jinisine sumu sinkho funudu ?

19. Jisu tiffinhi bonisikho tikha, Ebo Ishorko sybai, ang saing-gytamni bisingha ebokho sugunang.

20. Iahungha Jiurau tikha, Ebo Ishorko dangbaha bisagni maitaido nangba, nung ebokho saing gytamni bisingha sugufinfunang ?

21. Tikabo bytamai jarni sauni bytaikhonu tiba.

22. Edebani bytamai githirauni bisingni farang sugujaubani khaliha bytamaini sisirauni khaha gylaikha, bytamai ebokho tikha ; ar bonisi shastroha ar Jisu jarkho tiba bo gyrauha lonkha.

23. Bytamai Gotai-dusiha Jerusalemha dongba khaliha, dusi bysaingha jar jar sinnisini kusi bytamai khylaiba, bokho nuhi gybang subung bytamaini bumuha lonba.

24. Tikabo Jisu bosini iauha jarkho iaufaiakha, bedehe bytamai kurub subungkho mitiba.

25. Ar sausibo subungni bytaini saki rima bytamaini kusi nangba giri ; bedehe subungni khaha sumu dong bytamai jarnu mitiba.

III.

1. Jiurauni bogobra, Nikodimos tiaba, Pharisirauni bisingha, subung sausi dongba.

2. Bytamai horha Jisuniha faihi bytamaikho tikha, Rabbi, jung mitidu namai Ishorni farang faiaba hoja ; bedehe namai edebanisi jar jar sinni kusi dangdu, Ishor lugu dongiakhade sausibo khylaifuia.

3. Jisu tifikha, bytamaikho tikha, Gibi gbinu, ang nungkho tidu, Gydaing jahi hajaiakhade sausibo Ishorni raji nufuia.

4. Nikodimos bytamaikho tikha, Subung rakhala, bedehe hajaifure? Bola alang gani jarni mani hoha habhi hajaifure?

5. Jisu tifinkha, Ang gibi gbinu nuniha tidu, Di ar byseni farang hajaiakha tikade sausibo Ishorni rajiha habfua.

6. Byhaingni farang hajaiaba Byhaing, ar byseni farang hajaiaba byse.

7. Ang nungkho tiaba, Nisi hajaifinma gylainang, eboha da gymang.

8. Bar mujungba gyde sibre ar nung boni burung-tai khanare, tikabo byrani farang faire, ar byraha tangre, bokho mitia; byseni farang hajaiaba sauforongbo olai.

9. Nikodimos tiffinhi bytamaikho tikha. Ebonisila bedehe jafure?

10. Jisu tiffinhi bytamaikho tikha, nungla Israelni hoja, ar nung edebanisikho rungia?

11. Gibi gibint, ang nungkho tidu, Jung jarkho mitire, bokhonu tire, ar jarkho nukha boni saki rire; ar nisi jini saki laia.

12. Ang nisikho fertini bytaikho tikha, tikade nisi lonia; ang nisikho shorgoni bytai tibahala nisi bedelonnang?

13. Ar sausibo shorgoha gakhuba giri, bytamaini binaga jar shorgoni farang akhaikha, subung Bysa, jar shorgoha dong.

14. Ar Moses bedelai hagraha jubukho bysauha suguba, subung Bysakho olai sugujauma gylainang.

15. Jar bytamaikho lonre bo tauiaiaba hang mainang.

16. Bedehe Ishor habsaukho isi khasaukha, jarni Bysa sausi mamang hajaiabakho rikha, sereba sereba bytamaikho lonkhade bo gymaia-gotai, tikabo tauiaiaba hang maire.

17. Bedehe Ishor Bysakho habsauni bisar khylaimani haihaba giri; tikabo habsau bytamaijang gogotai.

18. Jar bytamaikho lonre bo bisar khylaijauia ; jar loniare boni bisar jabylaikha, bedehe bo Ishorni Bysa sausi mamang hajabani bumuha lonba giri.

19. Ar bo bisar ede, fertiha zynatai faikha, ar subungnisi zynataitane andarkho hamjaudaukha ; bedehe bosini kusi hamiaiaaba dongba.

20. Bedehe jar hamia khylaire bo zynataikho guire, ar zynataini rugungha faia, boni kusi hamia maijauia-gotai.

21. Tikabo jar gibi khylaire bo zynataini rugungha faire, boni kusi Ishorha khylaijauba ebo mitijaugotai.

22. Boni iahungha Jisu ar bytamaini sisirau Judaia rajiha faikha ; ar bytamai bonisini lugu ora donghi baptais khylaiba.

23. Ar Joanis Salimni rugung Ainonba donghi baptais khylaiba, bede ora di gybang dongba ; ar subungnisi faihi baptais khylaijauba.

24. Bedehe Joanis bo bublihabo morongha zebjauba giri.

25. Odebani Jiu sausini lugu Joanis sisirauni taraitaiha gyrau badaitai baigokha.

26. Ar bonisi Joanisniha faihi tikha, Rabbi, jar namaini lugu Jordon-narha dongba, namai jarni bytaikho saki riba, nai, bytamai baptais khyलाई, ar kurub subung bytamainiha tangdu.

27. Joanis tifinkha, shorgoni farang riakhade subung musikhobo lafuia.

28. Nisinu ani saki jaladu, ang tiba, Ang Kristo nia, tikabo bytamaini sygangha haigar-hajauba.

29. Jar matlakho maikha, bo daman ; tikabo damanni kafung, jar songhi dongba ar bytamaini gyrau khanaba, daman garangha gybang khazakha ; odebani ani ebo khajatai sosokha.

30. Bytamai badima nangre, are ang joma nangre.

31. Jar bysauni farang faiba bytamai kurubni bysau ; jar fertini farang, bo fertini ar fertini gyrau jore ; jar shorgoni farang faiba kurubni bysau.

32. Bytamai jarkho nuba khanaba, boninu saki ridu ; ar bytamaini saki sausibo laia.

33. Jar bytamaini saki laka, bo Ishor jar gibi eboha jarni muhor rikha.

34. Sumune jarkho Ishor haigarhaba, bytamai Ishorni gyrau kurub jodu ; sumune bytamai suhi Bysekho riba giri.

35. Bufa Bysakho khasaure, ar kurubkhobo bytamaini iauha rikha.

36. Jar Bysakho lonre, bo tauiaiaba hang maikha ; jar Bysani sanitai maniare bo hang nunang nia ; tikabo Ishorni tamsi boni bysauha dongre.

IV.

1. Odebani Bogobra, Pharisirau khanakha Jisu Joanistane bangdauhi sisi ar baptais khylaidu tihi mitikha.

2. (Jisu jar khylaiakha tikabo bytamaini sisirau baptais khylaiba.)

3. Bytamai Judaia garhi Galiliba tangfinkha.

4. Ar bytamai Samaria gyde tangma nangre.

5. Odebani bytamai Samariani nolaima Sukhar tiaba, Jakob boni bysa Josephne riaba haklab rugungha faikha.

6. Oraha Jakobni dikhor dongba. Jisu himba lenghi bo dikhor rugungha kamkha. Ar bo bubliha gontamado jakha.

7. Oraha Samariani mysaingju sausi di kauma faikha ; Jisu boniha tikha, Angkhobo lungri.

8. Sumune bytamaini sisirau nolaimaha jimu baraima tangba.

9. Odebani bo Samaria mysaingju bytamaikho tikha, Ang Samariani mysaingju, nung Jiu jadada, aniha lungmani bede khylaihi di saingdu ? (Sumune Samaria-rauniha Jiurau jisingia).

10. Jisu tifihi bokho tikha, Ishorni ritai, ar jar nungkho tidu, Ane di ri lungnang, bytamai sere, nung mitikha tikade ; bytamainiha bibainangmu, ar bytamai nune hang gynangiaba di rikhamu.

11. Mysaingju bytamaikho tikha, Gede, namainihala di kaukuma musibo giri, ar dikhorbo tubi; tikala namai byra bo hang gynangiaba di maikha ?

12. Namaila jini bufa Jakobtane dedau, jar jineta ebo dikhor riba, ar jar, ar jarni bysanisi, ar jarni mitubo eboni farang lungba ?

13. Jisu tiffinhi bokho tikha. Jar eboni dikho lungkha bonisi pinhi di gangnang.

14. Tikabo ang jar di rinang bokho sereba lungkhade, bo ar musi khalibo gangnang nia; tikabo ang jar di jarne rinang bo boni khaha tauiaiaba hangha gaukuiaba dikhor janang.

15. Mysaingju bytamaikho tikha, Gede, bo di aneri, ang gangiagotai, ar di kaumani khylaihi ebo lama faimaia-gotai.

16. Jisu bokho tikha, 'Tang jysaikho juruhi engan, fai.

17. Mysaingju bytamaikho tifinkha, Angsai giri. Jisu bokho tikha, Angsai giri tihi nung gibinu tiba.

18. Sumune nysai bunga jakha; ar duha jar dong, bo nysai nia; ebo gibi tiba.

19. Mysaingju bytamaikho tikha, Gede, ang nudu namaide khanddiaba.

20. Jini bufamutu ebo hajuha bire, ar namai-mutu tire Jerusalemha bimani hatani.

21. Jisu bokho tikha, Mysaingju, ani gyrauha lon edelaiaba bubli fainang, nisi Jerusalemhabo nia, hajuhabo nia Bufakho binang.

22. Nisi jarkho mitia, boni bire, jung jarkho mitidu bokho bidu; sumune Jiuni farang gotai dong.

23. Tikabo edelaiaba bubli faidu, ar duhanu jakha, gibi bi-iarau byse ar gibi-jang Bufani binang; sumune Bufo bytamaini bi-iaba jamani khylaihi elaiaba bi-ia-bakhonu symaidu.

24. Ishor Byse; ar jar jar bytamaikho bire, bonisi byse ar gibi jang bima gylainang.

25. Mysaingju bytamaikho tikha, Ang mitidu, jarkho Kristo tire, bo Messias faidu : bytamai faikhade jini rugungha kurubbo tinang.

26. Jisu bokho tikha, Jar nuni lugu gyrau jodu, bonu ang.

27. Bo bubliha bytamaini sisirau faikha, ar bytamai mysaingju lugu gyrau joba nuhi gymangkha ; tikabo sausibo tiakha, Namai sumukho symaidu ? niakhade Boni lugu sumune gyrau jodu ?

28. Odebani bo mysaingju boni dihu denghi nolai-maha tangkha, ar subungnisikho tikha.

29. Fai, subung sausibokho naifai, ang jar sumu kurubkho khylaikha, boangkho tikha ; ebola Kristo nia ?

30. Bonisi nolaini farang baijokha, ar bytamaini rugungha faiba.

31. Eboni bisinghanu sisirau bytamaikho bihi tikha, Rabbi, ji.

32. Tikabo bytamai bonisikho tikha, Jimani ani jimu dong, jarkho nisi mitia.

33. Odebani sisirau sausi-jang sausi tilaikha, Bytamaineta sereba jimu labuhi jikha.

34. Jisu bonisikho tikha, jar angkho haihakha, bytamaini mujungtai soriba, ar bytamaini kusi dangso-banu, ani jimu.

35. Nisila tia, Duhabo daingbri dong, boni iahungha mai ramani bubli janang ? Nai, ang nisikho tidu, nisini mu sugu, ar pydaing gyde nai, bo duhanu rabalai gufu jakha.

36. Jar rare, bo tolob maire ar tauiaiaba hangha mai mutumre ; jar gaire, ar jar jare, bonisi gini-jang gataisi khazafugotai.

37. Fdelaiaba hataniha bo gyrau gibi, Sausi gaire ar sausi rare.

38. Ang nisikho elaiaba gorong rama haikha, jarni khylaihi nisi lengba giri ; malai gubunrau lengkha ar nisi bonisini lengtaiha habkha.

39. Ar bo nolaimani Samariarauni gybangnu mysaing-juni gyrauni khylaihi bytamaiha lonkha, jar saki rikha, Ang, jar kurubkho khylaikha bytamai ane tirikha.

40. Odebani Samariarau bytamaini rugungha baibani khaliha, bytamaikho bonisini lugu dongma bikha; ar bytamai oraha saing-gyni dongkha.

41. Ar gybang langdaunu bytamaini gyrauni khylaihi lonkha.

42. Ar bonisi bo mysaingjukho tikha, Jung duha londu, nuni gyrauni khylaihi nia; sumtne jung khana-lailakha, ar mitilakha, gibi gbinu ebonu habsauni sogoiaba.

43. Saing-gyni iahungha bytamai orani farang Galiliha tangkha.

44. Sumune Jisu jar saki riba, Khandidiaba jarni rajiha man maia.

45. Odebani bytamai Galiliha faiba khaliha Galilarau bytamaikho lakha, sumune bytamai dusiha Jerusalemha jar jar khylaiba, kurubkho bonisi nuba; bonisibo dusiha tangba.

46. Odebani Jisu pinhi Galilini Kanaha faikha, jar hataniha dikho draka bidi khylaiba. Oraha gedema sausi dongba jar bysa Kapernaumba lumba.

47. Bytamai, Jisu Judaiani farang Galiliha faiba khanahi, bytamaini rugungha tangkha ar bikha, bytamai akhai-bi bytamaini bysakho hamrigotai; sumune bo thididi jaba.

48. Odebani Jisu bytamaikho tikha, Sin ar gymangtai nuiakhade, nisi lonngang nia.

49. Gedema bytamaikho tikha, Gede, ani bysa thiasani fai.

50. Jisu bytamaikho tikha, Tang, namaini bysa thangkha. Ar Jisu bo subungkho jar gyrau tikha, bytamai bokho lonhi tangkha.

51. Ar bytamai akhaibani khaliha, bytamaini iausrarau bytamaikho nuhi tikha, Namaini bysa thangkha.

52. Boha bytamai bonisikho sungkha, sumu bisilai bubliha hamruba. Boha bonisi bytamaikho tikha, Miaha, gontasini dobaha boni lumba hamba.

53. Odebani bufa mitikha bo bublihanu Jisu bytamaikho tiba, Nini bysa thangkha, ar bytamai ar bytamaini nokhorni kurub-bo lonkha.

54. Judaiani farang Galiliha faihi Jisu pinhi ebo sin ganini kusi dangkha.

V.

1. Eboni iahungha Jiurauni dus masi sofaikha; ar Jisu Jerusalemha tangkha.

2. Jerusalemha melma dergani rugungha kharnai gyrangsi dong, Hebra gyrau-jang boni bumu Bethesda. Boni digatai gatai bongani nofla dong.

3. Ebo noflanisiha lumiaba, gana, lengra ar ramiaba subung gybang thuhi dongre.

4. [Sumune dauga sausi sumaba botor kongsiha bo kharnaiha akhaire ar di symaure; asaba di symauih sygangtau jemjaure, isaba lumtai jakhabo, bo hamrijaure.]

5. Ar maitai tumji-jaini farang lumiaba subung sausi oraha dongba.

6. Jisu bokho thuhi dongba nuhi, ar budu-gylau odeno dong mitihi tikha, Nung hamma mujungdu.

7. Bo lumiaba subung bytamaikho tifinkha, Gede, dimauba khali angkho kharnaiha akhairimani ani subung sausibo giri. Ang tangdusi tangdusinu ar subung sausi ani sygangha akhai-langre.

8. Jisu bokho tikha, Baja, nini rien lahi tang.

9. Boha bo subung tab hamkha ar jarni rien lahi tangkha. Ar bo bysaing lengo-bysaing dongba.

10. Odebani jar hamrijauba bokho Jiurau tikha, Dini lengo-bysaing, tumu baingma nini kusi nia.

11. Tikabo bo bonisikho tikha, Jar angkho hamriba, bytamainu angkho tikha, Nini tumu lahi tang.

12. Bonisi bokho sungkha, Jar nungkho tikha, Nini tumu lahi tang, bo subung sere?

13. Tikabo jar hamrijauba bo mitiba giri, bytamai sere; sumune oraha subung gybang dongbani Jisu tanglalaba.

14. Boni iahungha Jisu Ishorkoha bokho nukha ar bokho tikha, Nai, nung hamrijaukha, ar pap da khylaisi; iahungha ebotane hamiadauiaba jafuiagotai.

15. Bo subung tangkha, ar Jiuraukho tikha, Jisu angkho hamrikha,

16. Ar edebani Jiurau Jisukho duku rikha, bytamai lengo-bysaingha ebo kurub khylaiba.

17. Tikabo Jisu bonisikho tifinkha, Ani Baba dasi sosibo kusi dangbudu, ar angbo kusi dangbudu.

18. Odebani eboni khylaihi Jiurau bytamaikho sytai-mani saucangdaukha, sumune bytamai lengobysaing mamangsenu pai-ia, Ishorkho jarni Bufa tihi jarkhobo Ishor-jang bausi khylaikha.

19. Odebani Jisu tiffinhi bonisikho tikha, Ang nisikho gibi gbinu tidu, Bufa jarkho khylaiba, bokho nuhi boni binaga Bysa jarni farang musibo khylaifuia; sumune bytamai jar kurub khylaire Bysabo olai khylaire.

20. Sumune Bufa Bysakho khasaure, ar jar sumukho khylaire, kurubkhobo bytamaine funure; ar ebo kurubnetabo gedegedeba kusi bytamaine fununang, nisi gymang-gotai.

21. Sumune Bufa githiraukho sugubalai ar mythang balai, Bysabo jarkho mujungre mythangre.

22. Sumune Bufala sausinibo bisar khylaia, tikabo kurub bisar Bysane rikha.

23. Kurub subung Bufakho man khylaihi dongbalai, Bysakhobo man khylaigotai; jar Bysakho man khylaiare, Bufa jar bytamaikho haihaba, bytamaikhobo bo man khylaiare.

24. Gibi gbinu, ang nisikho tidu, Jar ani gyrau khanare, ar jar angkho haiba, bytamaikho lonre, bo tauiaiaaba hang maikha, ar bisarha labujauia, tikabo thitaini farang hangha habkha.

25. Gibi gbinu, ang nisikho tidu, Bubli faidu, duhanu dong, bykhali githirau Ishorni Bysani gyrang khananang, ar jar jar khananang, bonisi thanganang.

26. Sumune Bufani jarniha bolai hang dong, olainu bytamai Bysaniha jarniha hang dongrikha.

27. Ar bytamai bytamaine bisar sybaimani iau rikha, sumune bytamai subungni Bysa.

28. Eboha da gymang ; sumune bubli faidu, sumukhali jar jar manklungha dong, kurub bytamaini gyrang khanang.

29. Ar jar jar hamba kusi dangkha, bonisi hangni gakufintaiha, ar jar jar hamia kusi dangkha, bonis bisarni gakufintaiha baigonang.

30. Ang jarni farang musibo khylaifuia, ang bedelai khanare, odelainu bisar khylaire, ar ani bisar gibi ; sumune ang jarni mujungtai sorima saunangia, tikabo jar angkho haihakha bytamaini mujungtaise.

31. Angnu jarni bytaiha saki rikade, ani saki gibi nia.

32. Gubun sausi ani bytaiha saki ridu ; ar ang miidu, bytamai ani bytaiha jarkho saki riba bo gibi.

33. Nisi Joanisniha subung haihakha ar bytamai gibini gyde saki rikha.

34. Tikabo ang jar saki ladu, bo subungni farang nia ; tikabo ang edebanisi tidu, nisi gogotai.

35. Bytamai taufari gyzeng ar zynaiaba dongba ; nisi bytamaini zynataiha bubli kisa khazamani mujungba.

36. Tikabo jar saki ani dong, bo Joanisni sakitane dedau, sumune Bufa angkho jar kusinisi dangsoma rikha, jar kusinisi ang dangdu, bonisinu ani bytaiha saki ridu, Bufa angkho haihakha.

37. Ar Bufa jar angkho haihakha bytamainu ani bytaiha saki rikha. Nisi bytamaini burungtai musi khalibo khanaba giri, bytamaini saukhalibo nuba giri.

38. Ar bytamaini gyrau nisini khaha dongia, sumune bytamai jarkho haihakha, bytamaikho nisi lonia.

39. Nisila shastro symaire, sumune nisi khaha baure, bohanu nisini tauraiaba hang dong, ar bonisinu ani bytaiha saki ridu.

40. Ar nisi hang maimani khylaihi ani rugungha faima mujungia.

41. Ang subungni farang man laia.

42. Tikabo ang nisikho mitidu, nisini khaha Ishorni hamjautai giri.

43. Ang ani Babani bumuha faikha, nisi angkho laia; gubun sereba jarni bumuha faikhade bokho nislanang.

44. Nisi bykhali sausini farang sausi man ladu, saus mamangsenu Ishorni farang jar man faire, bon saunangia; boha nisi bedelofudu?

45. Ang nisini bumuha mudoi janang, khaha da bau; nisini bumuha mudoi jagnaiaba sausi dong, bytamai Moses, jarni bysauha nisi asha khyलाई.

46. Sumune nisi Moseskho lonkhade, angkhobo lonkhamu, bedelofudu ani bytaikhonu rebkha.

47. Tikabo bytamaini rebiaba-kho loniakha, tikala ani gyraula bedelofudu?

VI.

1. Boni iahungha Jisu Galili sagirni, gubun bumu Tiberias, bynarha tangkha.

2. Ar subung gybang bytamaini iahung rukha, sumune bytamai lumirauni bysauha jar kurub sinni kusi dangba, bokho bonisi nuba.

3. Ar Jisu hajuha gakuhi tanghi, oraha jarni sisiraukho lahi khamba.

4. Duha Gotai-dusi, Jiurauni dusi rugung jaba.

5. Odebani Jisu mu suguhi, subung gybang bytamaini rugungha faiba nuhi, Philipkho tikha, Ebonisi jimani jung byraha hon byrainang?

6. Bytamai bokho naigrumani tikha, sumune bytamai sumu khylainang bokho jarnu mitiba.

7. Philip bokho tinfkha, Ebosini saufrong kisa kisa maima tikade, ana ryjagyni besengni honbo bangia.

8. Bytamaini sisirauni sausi, Simon Petrosni dafiong Andreas bytamaikho tikha.

9. Eraha ansa sausiniha jobni hon ferbonga, ar na magni dong; tikabo isi subungne bonisi-jang sumu janang?

10. Jisu tikha, Subungnisikho khamri; oraha sam gybang dongba. Odebani miarausi sainglekhaha bangdau bangiadau ry-jing bonga khamkha.

11. Jisu honnisikho lakha, ar tihamhi jar jar khamkha bosine ronrikha, nanisikhobo olainu bonisi mujungbalailai.

12. Bonisi hoblaibani khaliha bytamai sisiraukho tikha, Haglaiaba bogjonisikho khontum, musibo gymaia-gotai.

13. Odebani bonisi bonisikho khontumkha, ar bo hon ferbongani haglaiaba bogjo-jang jar jar jiba bosiuini jibani iahungha, kamflu jigni gyblaikha.

14. Odebani subungnisi bytamai dangiaba sin-ni kusi nubani khaliha tikha, Jar habsauha faidu bytamai gibinu bo khandidiaba.

15. Odebani raja khylaimani khylaihi bonisi faihi bytamaikho gytang gytang rumma jakha mitibi, Jisu pinhi jar saujang hajuha tangkha.

16. Murgusumhi bytamaini sisirau sagir rugungha akhailangkha.

17. Ar rung gyarngsiha gakuhi sagirnar Kapernaum gyde tangrukha. Ar bo bubliha andar jaba, Jarisu bohobo bosini rugungha faiba giri.

18. Ar bar rausi faibani sagirha diton jaba.

19. Odebani farlong khonbonga farlong tumjilai jauhi tanghi, bonisi nukha sagirni bysau gyde Jisu himdu, ar rungni rugungha faidu; boha bonisi kinkha.

20. Tikabo bytamai bonisikho tikha, Angse, da kin.

21. Odebani bonisi bytamaikho rungha suguma mujungkha ; ar bonisi jar hataniha tangba, rung oraha bohanu sohika.

22. Nokhanaihi sagir dinarha jar subungnisi songba, bonisi oraha rung grangsini binaga ar rung giriba nukha, ar Jisu jarni sisirauni lugu rungha gakuba giri, tikabo bytamaini sisiran mamangsenu tangba.

23. (Tikabo Bogobra tihambani iahungha bonisikho sumu hataniha hon jiba, bohatanini rugungha Tiberiasni farang baini rung faiba).

24. Odebani bykhali subungnisi nuba Jisu oraha giri, bytamaini sisiraubo giri ; boha bosenu rungnisiha gahi Jisukho symaimani Kapernaumha faikha.

25. Sagir dirgungha bytamaikho maihi bonisi tikha, Rabbi, namai bykhali eraha faikha ?

26. Jisu bonisikho tiffinhi tikha, Gibi gbinu, ang nisikho tidu, Nisi sin-ni kusi nuba tih nia, tikabo hon jibi hoblaiba tih angkho symaidu.

27. Dongia gynaiaba jimuni khylaihi da leng, tikabo bo jimuni khylaihi leng jar tauiaiaba hang sosi dongre, jarkho subung Bysa nisine rinang, sumune bytamaikho Bufa, Ishor, mohor dukha.

28. Odebani bonisi bytamaikho tikha, Jung Ishorni, kusinisikho dangfugotai, eboni khylaihi sumu khylaima nangre ?

29. Jisu tiffinhi bonisikho tikha, Ishorni kusi ebo, nisi bytamaikho lonre, jarkho bytamai haihakha.

30. Odebani bonisi bytamaikkho tikha, Namai sumu sin-ni kusi dangdu, jung nuhi namaikho lonfure ? Namai sumu kusi dangdu ?

31. Afa-ajuraude hajingkhongha manna jiba, rebhalailai Bytamai bytamaimutune shorgoni farang jimani jimu riba.

32. Odebani Jisu bonisikho tikha, Gibi gbinu, ang nisikho tidu, Moses nisine shorgoni farang jimu riba giri, tikabo ani Babanu nisine shorgoni farang jimu rire.

33. Sumune Ishorni jimu bonu, jar shorgoni farang akhaibure, ar habsaune hang rire.

34. Odebani bonisi bytamaikho tikha, Gobra jineta nalai bo jimu ri.

35. Jisu bonisikho tikha, Angnu hang jimu; jar ani rugungha faire, bo hokrinang nia, jar angkho lonre bo musi khalibo gangnang nia.

36. Tikabo ang nisikho tika, Nisi angkho nukha, tikabo nisi lonia.

37. Bufa jar kurub aneta rire, bo kurub ani rugungha fainang, ar jar ani rugungha faire, ang bokho musi gydebo dangkhlainang nia.

38. Sumune ang jarni mujungtai sosorimani khy-laihi shorgoni farang akhaifaia, tikabo jar angkho haihakha bytamaini mujungtaise.

39. Ar jar angkho haihakha bytamaini mujungtai ede, bytamai aneta jar kurub rikha boni musibo khymaiagotai; tikabo bysaing iahungha bokho sugugotai.

40. Sumune ani Bufani mujungtai ede, sereba Bysakho naire, ar bytamaiha lonre, sauforong tauiaiaba hang maigotai, ar ang bokho bysaing iahungha sugunang.

41. Edebani Jiurau bytamaini gyde berkha, sumune bytamai tiba, Angnu bo jimu, jar shorgoni farang akhaibukha.

42. Bonisi tikha, Ebo Josephni bysa Jisu nia, jarni bufa bumakho jung mitidu? dini bede khylaihi tire, Ang shorgoni farang faiba.

43. Jisu tiffinhi bonisikho tikha, nisi jarni bisingha da ber.

44. Baba jar angkho haihakha, bytamai sngfaia-khade sausibo ani rugungha faifuia; ar bysaing iahungha ang bokho sugunang.

45. Khanddiabani laisimaha rebba dong, Bonisi kurub Ishor-jang subrungjaunang. Jar sere Bufaniha khanahi rungta maikha, bo ani rugungha faire.

46. Sausibo Bufakho nukha, ede nia, jar mamang Ishorni farang faikha, bytamaisenu Bufakho nukha.

47. Gibi gbinu, ang nisikho tidu, Jar lonre, bo tauiaiaaba hang maire.

48. Ang hang jimu.

49. Nisini bufamutu hajingkhongha manna jiba, boniside thikha.

50. Ebonu bo jimu jar shorgoni farang akhaihi faire, subung bokho jigotai, ar thiagotai.

51. Angnu thang-gyriaba jimu, jar s'orgoni farang akhaihi faikha; sereba ebo jimu jikhade bo nalai thangnang; gibi gbinu, ang jar jimu rinang, bo ani byhaing, habsauni hangni khylaibi.

52. Odebani Jiurau sausi jang sausi gyrau dainglaihi tirukha, Ebo subung bede khylaihi jineta jarni byhaing jimani rifure.

53. Odebani Jisu bonisikho tikha, Gibi gbinu, ang nisikho tidu, subung Bysani byhaing jiakha, ar bytamaini ti lungiakhade, nisiniha hang giri.

54. Jar ani byhaing jire, ar ani ti lungre, bo tauiaiaaba hang maire. Ar ang bokho iahung bysaingha sugunang.

55. Sumune gibi gbinu, ani byhaing jignaiaba, ar ani ti lungnaiaba.

56. Jar ani byhaing jire ar ani ti lungre, bo angha dongre, ar ang boha dongre.

57. Gythang Bufa angkho haihakha, ar Bufani khylaihi thanghi dongbalai, olainu jar angkho jire bo ani khylaihi thanghi dongre.

58. Ebonu bo jimu jar shorgoni farang akhaihi faikha : bufarau jibalai ar thibalai, olai nia; jar ebo jimu jire, bo nalai thangnang.

59. Elo gyraunisi Kapernaumha bytamai subrungbani khaliha mandobha tiba.

60. Odebani ebo gyrau khanahi sisirauni gybangnu tikha, Ebo gyrau raubi, sere ebokho khanafunang?

61. Tikabo sisirau eboha nangjaiatai funukha, Jisu ebokho khaha mitihi bonisikho tikha, Eboha nisi kudai du?

62. Tikade subung Bysa sygangha byra dongba, oraha bytamaikho gakuba nukhala, nisi sumu tinang ?

63. Bysenu mythangre, byhaing musu kusi habo faia ; ang nisikho jar gyraunisikho tikha, bo byse ar hang.

64. Tikabo nisini bisingha sereba sereba dong, jar jar lonia ; sumune sere sere lonba giri, ar sere bytamaikho iaufanang, bokho Jisu sygangni farang mitiba.

65. Ar bytamai tikha, Edebani ang nisikho tikha, Bufa riakhade sausibo ani rugungha faifuia.

66. Eboha bytamaini sisirauni gybangnu pinhi tangkha, ar bytamaini lugu tangiakha.

67. Odebani Jisu jignikho tikha, Nisibo tanglama baudu ?

68. Simon Petros bytamaikho tifinkha, Gybra, jung sereniha tangnang ? namainiha tauiaiaha hangni gyrau dong.

69. Ar jung lonkha ar mitidu, namaini Ishorni subung gytar.

70. Jisu bonisikho tifinkha, Angla nisini jiguikho nangjauba giri, ar nisini sausi hasong.

71. Ar bytamai Simonni bysa, Judas Iskariotni bytaikho tiba ; sumune bonu bytamaikho haraini iauha iaufanang ; bo jignini bisengha sausi.

VII.

1. Eboni iahungha Jisu Galiliha daubaikha ; sumune Jiurau bytamaikho sytaima saunangba bytamai Judaiaha daubaima naiakha.

2. Duha Jiurauni dusi, rino dusi, sampakha.

3. Odebani bytamaini dafiungrau bytamaikho tikha, Erani farang tanghi Judaiaha tang, nung jar jar khyलाई, namaini sisiraubo namaini kurub kusi nugotai.

4. Sumune jar naidu bokho kurub mitire, ar kauhi kusi dangre, elai sausibo giri. Nung edebasi kusi dangkhade, jarkho habsauha funuladu.

5. Sumune bytamaini dafiungraubo bytamaikho lonba giri.

6. Edebani Jisu bonisikha tikha, Ani bubli dasibo faiake; tikabo nisini bubli nalaibo dong.

7. Habsau nisikho guifuia, tikabo angkho guire; sumune ang boni bytaiha saki rire boni kusinisi hamia.

8. Nisi dusiha tang; ebo dusiha ang duhabo tangia, sumune ani bubli duhabo sosoiako.

9. Ar bonisikho ebo gyraunisi tibani farangde bytama Galiliha dongkha.

10. Tikabo bytamaini dafungrau dusiha tangbani iahungha, bytamaibo tangkha, funvhi nia, tikabo khaubalai khylaihi.

11. Odebani Jiurau bokho dusiha symaikha ar tikha, Bytamai byraha?

12. Ar bytamaini bytaiha subungnisini bisingha, gybangnu kauhi sainglaikha; sereba sereba tikha, Bytamaide subung hambi; ar sereba sereba tikhaa Nia, bo subungnisikho hamiaiaba lamaha langre.

13. Tikabo Jiuraukho khinhi bytamaini bytaiha sausibo balasi musi tiakha.

14. Tikabo dusini gezer jabani iahungha Jisu mandobha tanghi subrungrukha.

15. Boha Jiurau gymanghi tikha, Sulungiahi ebo subung bedo rungkha?

16. Edebani Jisu bonisikho tiffinhi tikha, Ani subrungtai ani nia, tikabo jar angkho haihakha bytamaini.

17. Sere subung jodi bytamaini mujungtai mytaumi baure, bo mitinang ani subrungtai Ishorni farangti an farangti tidu.

18. Jar jarni farang tire bo jarni bumu symaire; tikabo jar jarkho haihaiabani bumu symaire, bonu gibi, ar boniha musibo pap giri.

19. Mosesla nisine dara riba giri, tikabo nisi sausibo dara mania? Sumune angkho sytaima saunangdu?

20. Subungnisi tifinkha, Nungkho bhut maikha, sere nungkho sytaima saunangdu?

21. Jisu tiffinhi bonisikho tikha, Ang kusi mungsi khylaikha, ar nisi kurub gymangdu.

22. Edebani Moses nisine bugur-raso rikha, (bode Mosesni farang jakha, ede nia; tikabo bufaraune farang), ar lengobysaingha nisi subungni bugur-raso khylaire.

23. Mosesni dara paiagotai, edebanu subung lengo-bysaingha bugur-raso maikha; tikade ang lengo bysaingha subung sausikho kurub gyde hamrikha tihi, ani bysauha sumune tamsi baigodu?

24. Bajini nutai mafi bisar da-khylai, tikabo bisar gibi khylai.

25. Odebani Jerusalemni baini subung tirukha, Ebola bo nia, jarkho bytamai-mutu sytaima saunangdu?

26. Nai, ebo bylas tidu, tikabo bytamai-mutu ebokho musibo tia. Bogobraraula gibinu mitidu ebo Kristo?

27. Isaba jatung jung ebokho mitidu ebo byrani farang faikha; tikabo Kristo faiba khali bytamai byrani farang faikha, sausibo mitinang nia.

28. Odebani Jisu mandobha ede tihi subrunghi jurukaukha, Niside angkho mitidu, ar ang jar byrani farang faikha bokhobo mitidu; ar ang jar mujunghi faia, tikabo jar angkho haihakha bytamai gibinu dong, bytamaikho nisi mitia.

29. Ang bytamaikho mitire, sumune ang bytamaini farangdong, ar bytamainu angkho haihakha.

30. Odebani bonisi bytamaikho rumma saunangkha, tikabo bytamaini sauha sausibo iau riakha; sumune bytamaini bublibo jaba giri.

31. Tikabo subungnisini bisingha gybangu bytamai-kho longkha ar tikha, Kristo je khali fainang, bytamai bytamaitane bangdauhi sinni kusi dangnang?

32. Pharisirau bytamaini bytaiha subungnisikho edelai tilaiba khanakha, ar jontaima ar Pharisirau bytamaikho rummani khylaihi telengarankho haihakha.

33. Odebani Jisu tikha, Duhabo ang bubli kisa nisini lugu dong, boni iahungha jar angkho haihakha, bytamaini rugungha tangnang.

34. Nisi angkho symainang, tikabo angkho mainang nia; ar ang jar hataniha dong, nisi faifuia.

35. Odebani Jiurau sausi jang sausi tikha, Ebo byraha tangnang jung bokho mainang nia? Grikrauni bisingha Gublungba subungnisini rugungha bytamai tangnang ar Grikraukho subrunghang?

36. Bytamai tikha, nisi angkho symainang tikabo angkho mainang nia, ar ang jar hataniha dong, nisi faifuia; ebo gyrau sumu?

37. Boha bysaing, iahuini bysaing gedebaha Jisu songhi jurukauhi tikha, Sereba di gangkha tikade bo ani rugungha faitung ar lungtung.

38. Jar angkho lonre, shastroha tibalai, boni honi farang hang gynangiaba dini dibunisi sornang.

39. Tikabo bytamaikho jar jar lonba, bonisi Bysekho mainang, bo Byseni bytaiha bytamai ebokho tiba; sumune bo bubliha Byse rijauba giri; sumune Jisu bohobo man gynang jaba giri.

40. Odebani subungnisini bisingha gejesi ebo gyraunisi khanahi tikha, Bytamai gbinubo khan didiaba.

41. Gubun-nisi tikha, Bytamainu Kristo. Tikabo gejesi tikha, Sumu, Kristo Galiliha hajainang?

42. Shastroha tia, Kristo Daud bysongha, ar Daud jar hataniha dongba, bo Bethlehem nolaiha hajainang?

43. Odebani bytamaini khylaihi subungnisini bisingha butu gubrukha.

44. Ar bonisini sereba sereba bytamaikho rumma mujungkha; tikabo bytamaini sauha sausibo iauriakha.

45. Odebani telengarau jontaima ar Pharisirauni rugungha faikha, ar bonisikho tikha, Nisi bedeh bokho labuiakha?

46. Telengarau tikha, Subung musi khalibo elaiaba gyrau tiba giri.

47. Boha Pharisirau bonisikho tifinkha, Nisikhobo suburkha?

48. Bogobrrarauni bisingha, niakhade Pharisirauni bisingha sereba bokho lonkha ?

49. Tikabo ebo subungnisi dara mitia, ebonisi sari-sengjauia.

50. Nikodimos (bonisini bisingha sausi, jar sygangha bytamaini rugungha faiba), bonisikho tikha.

51. Sygantauha sereba subungni jarni gyrau khanai-ahi, ar bo sumu khylaire mitiahi, jini daraha sumu boni bisar khylaire ?

52. Bonisi tifihi bytamaikho tikha, Nungbo Galilini subung ? Symai, nunang Galilini farang khandidiaba hazaia.

53. [Iahungha bytamai-mutu sauforong jar jarni noha tanglakha.

VIII.

1. Tikabo Jisu Bonkhankrai hajukha tangkha.

2. Ar forongmaha bytamai pinhi Ishorko faikha ; ar kurub subung bytamaini rugungha faikha, ar bytamai kamhi bonisikho subrungrukha.

3. Bo bubliha rebiarau ar Pharisirau, langni rumjauiaaba mysaingju sausikho labukha, ar gezerha songrihi bytamaikho tikha.

4. Hojo, ebo mysaingju langniha, bo kusihanu rumjaukha.

5. Daraba Moses elaiaba subungnisikho longtai-jang doma sanikha ; odebani namai eboni bytaiha sumu tidu ?

6. Bytamaini bumuha mudoini her maimani khy-laihi bonisi libifunuhi ebo gyrau tikha. Tikabo Jisu gonghi iausi-jang haha rebkha.

7. Tikabo bonisi alang alang bytamaikho sungbani khaliha, bytamai khoro suguhi bonisikho tikha, Nisini bisingha jar pap giri, bonu sygangtau ebokho longtai-jang dotung.

8. Iahungha bytamai pinhi gonghi iausi-jang haha rebkha.

9. Ar bonisi bokho khanahi kurubtane radautauiab-ani farang jenhi gidi-tauiba subungsosi sausi sausi bajiha tangkha; ar Jisu saujang dongkha, ar bo mysaingju hatani gezerha jarha dongba, dongkha.

10. Iahungha Jisu khoro suguhi bokho tikha. O mysaingju, bonisi byraha? sausibo nungkho sajarima tia?

11. Bo tikha, Sausibo tia, Gybra. Jisu tika, Angbo nungkho sajarima tia; tangla, duni farang ar pap da khylaisi.]

12. Odebani Jisu pinhi bonisini rugungha gyrau jorukha, tikha, Ang habsauni zynatai; jar ani iahungha rure, bo andarha himuang nia, tikabo hangni zynatai mainang.

13. Boha Pharisirau bytamaikho tikha, Nung jarni bytaiha saki ridu; nuni saki gibi nia.

14. Jisu tfinhi bonisikho tikha, Ang jarni bytaiha saki rikabo, ani saki gibi; sumune ang byrani farang faikha, ar byraha tangdu, bokho mitidu; tikabo ang byrani farang faikha ar byraha tangdu, bokho nisi mitia.

15. Nisi byhaingni mafi bisar khylaire; ang sausinibo bisar khylaia.

16. Ar bisarang khylaikhadebo ani bisar gibi; sumune ang saujang nia, tikabo ang ar Baba jar angkho haihakha.

17. Ar nisini darahabo rebba dong, gynini saki gibi jare.

18. Ang jarnu, jarni bytaiha saki ridu, ar Baba jar angkho haihakha, bytamai ani saki rire.

19. Boha bonisi bytamaikho tikha, Nuni nyfa byraha? Jisu tinfkha, Nisi nia angkho mitidu, nia ani Babakho mitidu; nisi angkho mitikhade ani Babakhobo mitikhamu.

20. Ebo kurub gyrau bytamai Ishorkoha subrungbliha pantarha tika; ar sausibo bytamaikho rumiakha; sumune boha bytamaini bubli sofaiba giri.

21. Boha bytamai pinhi bonisikho tikha, Ang tangadu ar nisi angkho symainang, ar jar jarni pap khylaihi thinang; ar jarha tangadu, nisi faifuia.

22. Bo Jiurau eboha tikha Thālanang, bohanu tidu, Ang byra tangadu nisi faifuia.

23. Bytamai tikha, Nisi bykhalani farang, ang bysauni farang ; nisi ebo habsauni, ang ebo habsauni nia.

24. Odebani ang nisikho tidu, nisi jar jarni pap khylaihi thinang ; sumune angnu bo subung, bokho loniakhade, nisi jar jarni pap khylaihi thinang.

25. Odebani bonisi bytamaikho tikha, Nung sere ? Jisu bonisikho tikha, Sygangtauni farang nisine jarkho tidu, ang bonu.

26. Nisini bytaiha timani ar bisar khylaimani gybang gyrau ani dong ; isabase jatung, jar angkho haihakha, bytamai gibi ; ar bytamainiha ang jarkho khanakha, bokhonu habsaukho tidu.

27. Bytamai bonisini rugungha jar Bufani bytaikho tikha, bokho bonisi khamau habba giri.

28. Odebani Jisu tikha, Nisi subung Bysakho bysauha sugukhade mitinang, ang bo subung, ar ang jar musibo khylaia ; tikabo Bufa angkho subrungbalai, ang ebo gyraunisikho tidu.

29. Jar angkho haihakha, bytamai ani lugu dong ; angkho sausi-jang dengba giri ; sumune ang nalai bytamaini nangjaugynaiaba kusi dangre.

30. Bytamai ebo gyraunisikho tibani khaliha, subung gybangnu bytamaikho lonkha.

31. Odebani jar Jiurau bytamaikho lonba, Jisu bonisikho tikha, Nisi ani gyrauha dongkhade, nisi gibi gbinu ani sisi.

32. Ar nisi gibikho mitinang, ar gibi nisikho jarni khylainang.

33. Bonisi bytamaikho tifinkha, Jung Abrahamni bysong, du sosi musi khalibo sausinibo leng munba giri ; namai bedehe tidu, Nisikho jarni khylainang ?

34. Jisu bonisikho tifinkha, Gibi gbinu ang nisikho tidu, jar sere pap khylaie, bo papni meleng.

35. Ar meleng nalai noha dongia, Bysa nala-dongre.

36. Odebani Bysa nisikho jarni khylaikhade nis gibi-jangnu jarni janang.

37. Ang mitidu nisi Abrahamni bysong ; tikabo nisi angkho sytaima saunangdu, sumune ani gyrau nisini khaha tangsengia.

38. Ang ani Bufaniha jarkho nukha, bokhonu tidu ; ar nisibo nisini bufaniha khanakha, bokhonu khylaidu.

39. Bonisi tiffinhi bykamaikho tikha, Abraham jini bufa. Jisu bonisikho tikha, Nisi Abrahamni bysa jakhade, Abrahamni kusinisi dangkha.

40. Tikabo duha nisi angkho sytaima saunangdu, jai subung nisikho gibi jokha, jarkho ang Ishorniha khanakha ; Abrahamla ebokho khylaiba giri.

41. Nisi nisini bufaninu kusinisi dangdu. Bonis, bytamaikho tikha, Jung iaukhrau hajaiaba nia ; jini Bufa sausi, Ishor.

42. Jisu bonisikho tikha, Ishor nisini Bufa jakhadei nisi angkho khasaukhamu ; sumune ang Ishorni farang baigokha, ar faikha ; ar ang jarni farang faia, bytamainu angkho haihakha.

43. Nisi ani gyrau sumune khamau habfuiaba ? sumune nisi ani gyrau khanafuia.

44. Nisi nisini bufa Hasongni, ar nisini bufani mujungtai sosoribanu nisini mujungtai. Bo sygangtauni farang subungsytaiaba, gibiha maniahi dongba giri, sumune boha gibi giri. Bo mosol jobliha bo jarni farangnu tire ; sumune bo mosol joiaba ar boni bufa.

45. Tikabo sumune ang gibi jore, odebani nisi angkho lonia.

46. Nisini bisingha sere angkho pap gynangiaba tihi porman khylaifunang ? Tikala ang gibi jikhade nisi angkho sumune loniaba ?

47. Jar Ishorni, bo Ishorni gyrau khanare ; edebani nisi khanaiaaba, sumune nisi Ishorni nia.

48. Jiurau tiffinhi bytamaikho tikha, Jungla hamsisi tia, nung Samariasa, ar nungkho bhut maikha ?

49. Jisu tifinkha, angkho bhut maia ; tikabo ang ani Bufakho m un khylaire, ar nisi angkho man khylaia.

50. Tikabo ang jarni bumu symaia ; sausi dong, bytamainu symaire ar bisar khylaire.

51. Gibi gbinu, ang nisikho tidu, Sereba ani gyrau mytaukhade, bo musi khalibo thitai nunang nia.

52. Jiurau bytamaikho tikha, Duha jung mitikha nungkho bhut maikha. Abraham thihi tangkha, khandidaiaraubo thihi tangkha ; ar nung tidu, Ani gyrau sereba mytaukhade, bo musi khalibo thitaini thautai mainang nia.

53. Nungla jini bufa Abraham-tane dedau, jar thihi tangkha ? khandidaiaraubo thihi tangkha, nung jarkho sumu tire ?

54. Jisu tifinkha, Ang jarkho man gynang khylailakhade, ani man musibo nia ; ani Bufa angkho man gynang khylaire ; jarni bytaiha nisi tidu, Bytamai nisini Ishor.

55. Ar nisi bytamaikho mitiba giri ; tikabo ang bytamaikho mitire : bytamaikho mitia tikade, ang nilainu mosol joiaba jonang : tikabo ang bytamaikho mitire, ar bytamaini gyrau mytaure.

56. Nisini bufa Abraham ani bysaing naimani khylaihi khazaba ; ar bytamai nukha ar khazakha.

57. Boha Jiurau bytamaikho tikha, Nung dasibo maitai dan raiako, nung Abrahamkho nukha ?

58. Jisu bonisikho tikha, Gibi gbinu, ang nisikho tidu, Abraham jabani sygangha ang dong.

59. Boha bytamaikho domani khylaihi bonisi longtai sugulakha, tikabo Jisu thumkha, ar Ishorkoni bajiha tangkha.

IX.

1. Ar tanghi tanghi bytamai subung sausikho nukha, bo hajaibani gana.

2. Bytamaini sisirau bytamaikho sungkha, tikha, Rabbi, sere pap khylaiba, ebo subungti eboni buma bufu ebo gana jahi hajaikha ?

3. Jisu tifinkha, Nia ebo subung, nia eboni buma bufu ; tikabo Ishorni kusi eboha nujaugotai.

4. Jar angkho haihakha, saingha bytamaini kusi jung dangma nangre ; hor faidu boha sausibo kusi dangfuia.

5. Ang habsauha dongba khali habsauni zynatai dongba.

6. Ebo kurub tiblaihi bytamai haha kudi tukha, ar bo kudi-jang hadbu khylaikha, ar boni muha hadbu lebkha.

7. Ar bokho tikha, Tang, Siloam (gonu, haiha-jaiuiba) kharnaiha tanghi susakylai. Boha bo tanghi susakylaikha, ar naihi naihi faikha.

8. Odebani nosur nomarau, ar jar jar sygangha bokho nuba, bo bibai-jiaba, bonisi tikha, Ebo bo nia jar kamhi bibaiba ?

9. Gubunrau tikha, Ebonu bo. Gubunrau tikha, Nia, tikabo bolainu. Bo tikha, Ang bo.

10. Odebani bonisi bokho tikha, Tikala nini mu bede gubrukha ?

11. Bo tifinkha, Bo subung jarni bumu Jisu, hadbu khylaikha, ani muha lebkha, ar angkho tikha, Siloamha tanghi susakylai : Odebani ang tanghi susakylaikha ar nukha.

12. Iahungha bonisi bokho tikha, Bytamai byra ? Bo tikha, Ang mitia.

13. Sygangha jar gana dongba bokho bonisi Pharisirauni rugungha labukha.

14. Jar bysaingha Jisu hadbu khylaiba, ar boni mu kururikha bo bysaing lengobysaing.

15. Odebani Pharisiraubo pinhi bokho sungkha, Nung bede nukha ? Bo bonisikho tikha, Bytamai ani muni bysauha hadbu rikha, ar ang susakylaikha ar nudu.

16. Odebani Pharisirauni sereba sereba tikha, Bo subung Ishorni farang nia, sumune bo lengobysaing mytauia. Tikabo mylairau tikha, Papi subung bedeha

elaiaba kurub sinni kusi dangfure? Edehe bonisi bisingha butu-gubun jakha.

17. Odebani bonisi pinhi bo ganakho tikha, Bo jar nini mu kururikha, eboha nung boni bytaiha sumu tidu? Bo tikha, Bytamai khandidiaba.

18. Odebani Jiurau boni bytaiha loniakha, bo gana dongba ar mu maikha, bo mu maiaba subungni mafakho juruhi sungiasi.

19. Ebola nini bysa, nisi tihi dongre gana hajaiba? tikala duha bedehe ebo nudu?

20. Bo buma bufu tiffinhi tikha, Jung mitire, ebo jini bysa ar ebo gana hajaiba.

21. Tikabo duha bedehe nudu, jung mitia; niakade sere ebonu mu kuru-rikha jung mitia; ebokhonu sung, ebo rakha; ebo jarni bytai jarnu tinang.

22. Boni mafa ebo kurub tikha, sumune bonisi Jiuraukho kinba; sumune Jiurau boni syganghanu bauhi dongba, sereba bytamaikho Kristo tihi manikhade, bo butuni farang gaugrainang.

23. Odebani boni mafa tikha, Ebo rakha, ebokhonu sung.

24. Odebani jar gana dongba bo subungkho bonisi alang gani jurukha, ar bokho tikha, Man Ishorne ri; jung mitire ebo subung papi.

25. Boho bo tiffinika, Bytamai papiti nia, ang mitia; bytai taisi mitire, ang gana dongba, duha nudu.

26. Boho bonisi bokho tikha, Bo nuni bysauha sumu khylaikha? Bo bedehe nuni mu kururikha?

27. Bo bonisikho tiffinika, Duhanu . ang nisikho tikha, nisi khanaiakha; sumune pinhi khanama naidu? Nisibo bytamaini sisi jama naidu?

28. Boho bonisi bokho sarihi tikha, Nunu boni sisi; tikabo jung Mosesni sisi.

29. Jung mitire Ishor Mosesni lugu gyrau jokha; tikabo eboni bytaikho jung mitia, ebo byrani subung.

30. Bo subung tiffinhi bonisikho tikha, Sumu, ebonu gymangtai, nisi mitia, bytamai byrani subung, ar bytamai ani mu kururikha.

31. Jung mitire Ishor papirauni gyrau khanaia; tikabo sereba Ishorni biaba jakhade, ar bytamaini mujungtai mytaukhade, boninu gyrau bytamai khanare.

32. Gydani farang musi khalibo khanaba giri, sereba gana hajaibani mu kururikha.

33. Ebo subung Ishorni farang faiakhade, musikho-bo khylaifuiamu.

34. Bonisi tiffinhi bokho tikha, Nung papha gyzanu hajaiba? Ar nung jungkho subrungdu? Iahungha bonisi bokho khaikohi rikha.

35. Jisu khanakha, bonisi bokho khaikohi rikha, ar bokho nuhi tikha, Nungla Ishorni Bysaha londu?

36. Bo tiffinhi tikha, Bytamai sere, Gobra, ang bytamaiha longfugotai?

37. Jisu bokho tikha, Nung bytamaikho nukha, ar bytamai nini lugu gyrau jodu.

38. Bo tikha, Gobra, Ang londu. Ar bo bytamaikho kulumkha.

39. Jisu bokho tikha, Bisarni khylaihi ang ebo hab-sauha faikha, nuia-iarau nugotai, ar nuiaarau nuiagotai.

40. Pharisirauni bisingha jar jar bytamaini lugu dongba, bonisi ebo kurub khanahi bytamaikho tikha, Jungbo gana?

41. Jisu bonisikho tikha. Nisi gana jakha tikade, nisini pap jaiamu: tikabo nisi tire jung nudu: nisini pap dong.

X.

1. Gibi gbinu, ang nisikho tidu, Melmanisini bokhoha jar derga gyde habiare, tikabo sumaba lama gyde gakure, bo mykhau ar dakhait.

2. Tikabo jar derga gyde bisingha habre, bo melmanisini melma-naia.

3. Derga-raukia bonenu derga kururire; ar melmoa nisi boni gyrang khanare; ar bo jarni melmanisikh-bumu rumhi jurure, ar bonisikho bajiha langhi tangre.

4. Bo jarni kurubkho bajiha khaikohi bosini sygang tangre, ar melmonisi boni iahung rure sumune bonisi boni gyrang mitire.

5. Tikabo mylaini iahung iahung tangia, boni rugungni farang khainang; sumune mylaini gyrang bonisi mitia.

6. Jisu bonisine ebo tifunutaikho tikha; tikabo bytamai bonisikho sumu tikha, bokho bonisi khamau habiakha.

7. Odebani Jisu pinhi bonisikho tikha, Gibi gbinu, ang nisikho tidu, angnu melmabutuni derga.

8. Ani sygangha jar jar faiba, kurub mykhau ar dakhait; tikabo melmanisi bonisikho khanaba giri.

9. Angnu derga; ang jang sereba habkhade bo gotai mainang, ar bisingha tangnang, ar bajiha fainang ar raukijaunang.

10. Mykhau khaumani, sytaimani, ar khymamani khylaihi mamang faire; ang faikha bonisi hang maigotai, ar gybang maire.

11. Angnu hamba melma-naia; hamba melma-naia melmanisini khylaihi hang rire.

12. Jar beseng gynang, ar melma-naia nia, melmanisi jarni nia, bo misikar faiba nure, ar melmanisi garhi khaire; boha misikar bonisikho rumhi langhi tangre, ar bonisikho gublungre.

13. Bo khaire, sumune bo beseng gynang, ar melmanisini khylaihi bauia.

14. Angnu hamba melma-naia; ang ani jarni butukho mitire ar ani jarni butu angkho mitire.

15. Angkho Bufa mitibalai, ar ang Bufakho mitire, ar ang melmanisini khylaihi hang rire.

16. Ani gubun melmabo dong, bonisi ebo bokhoha nia; bonisikhobo ang labuma gylainang, ar boaisi ani gyrang khamanang; ar bonisi tusi, naia sausi janang.

17. Edebani Bufa angkho khasaure, sumune ang hang rire, pinhi bokho lagotai.

18. Sausibo ani farang bokho laia, tikabo ang jarnu bokho rire. Bokho ang rifure ar lafinfure. Ebo sanitai ang ani Babani farang maikha.

19. Edeba gyrauni khylaihi Jiurauni bisingha pinhi butu gubrukha.

20. Ar bonisini bisingha gybangnu tikha, Ebokho simang nangkha, ebode guburse; eboni gyrau sumune khanadu?

21. Gubunrau tikha, Ebo kurubla simang gybaiaba subungni jotai nia. Simangla ganani mu kururifure?

22. Ar Jerusalemha Songtai-dusi faikha; boha gyzangtor.

23. Jisu Ishorkoha Solomoni rondaha daubaiba.

24. Odebani Jiurau faihi bytamaikho kemdingkha ar tikha, Bisilai bubli jungkho khatuia rihi dengnang? Nung Kristo jakade jungkho surung surung ti.

25. Jisu bonisikho tifinkha, Ang nisikho tikha, tikabo nisi lonia; ang ani Bufani bumuha jar kurub kusi dangre, bo kurub ani bytaiha saki rire.

26. Tikabo nisi lonia, sumune nisi ani melmani bisingha nia.

27. Ani melmanisi ani gyrang khanare, ar ang bonisikho mitire, ar bonisi ani iahung iahung tangre.

28. Ar ang bonisineta tauiaiaba hang rire; bonisi musi khalibo gymanang nia; ar ani iauni farang sausibo bonisikho selafunang nia.

29. Ani Bufa jar bonisikho aneta rikha, bytamai kurubtane dedautai, ar Bufani iauni farang sausibo bonisikho selafuia.

30. Ang ar Bufa sausi.

31. Jiwrau bytamaikho domani khylaihi longtai sugufinkha.

32. Jisu bonisikho tifinkha, Bufani farang gybang hamba kusi nisine funukha; boni sumu kusini khylaihi nisi angkho longtai jang dodu?

33. Jirau bytamaikho tifinkha, Hamba kusini khyr laihi jung nungkho longtai-jang sua, tikabo Ishorni sijitaini khylaihi, ar nung subung jahi jarkho Isho-khylaihi sugukha, edebani khylaihi.

34. Jisu bonisikho tifinkha, Nisini daraha rebba giri Ang tikha, Nisi ishor ?

35. Jar jarni rugungha Ishorni gyrau faiba, bonisikho bytamai ishor tikade, (ar shastroha magna jafuia).

36. Jarkho Bufa gytar khylaikha ar habsauha haihakha, nisila bytamaikho tidu, Nung Ishorkho sijidu ; sumune ang tikha, Ang Ishorni Bysa ?

37. Ang ani Bufani kusinisikho khylaiakhade angkho da lon.

38. Tikabo khylaikhade, angkho loniakhabo, ani kusinisikho lon ; nisi, angha Bufa dongbako ar ang Bufaha dongbako mitifugotai ar khamau habfugotai.

39. Bonisi pinhi bytamaikho rumma saunangkha ; ar bytamai bonisini iauni farang baigohi tangkha.

40. Iahungha bytamai pinhi Jordanni dirgungha jar hataniha Joanis sygangtauha baptais khylaiba, oraha tangkha ; ar oraha dongkha.

41. Ar gybang subung bytamainiha faikha ; ar bonisi tikha Joanis musi sinni kusi dangba giri ; tikabo Joanis ebo subungni bytaiha jar gyraunisikho tikha, kurubbo gibi.

42. Ar oraha gybang subung bytamaikho lonkha.

XI.

1. Bethaniani, Lazaros tiaba, subung sausi lumba, byhandau bo nolai Maria ar boni Marthani nolai.

2. Bo Maria Bogobrakho mudumiaba taujang fulungriba, ar bytamaini iega boni khanai-jang pusariba, boni byda Lazaros lumhi dongba.

3. Odebani bihandaurau bytamaikho tihi haihakha, Gubra, nai, jarkho namai khasaure bo lumkha.

4. Jisu bokho khabahanu tikha, Bo lumtai thitai nia, tikabo bo Ishorni manni khylaihi, bo jang Ishorni Bysa man khylaijaugotai.

5. Jisu Martha ar boni bihandaukho ar Lazaroskho khasauba.

6. Odebani bo lumba khanahi bytamai jarha dongba, oraha saing gnyi dongba.

7. Boni iahungha bytamai sisiraukho tikha, Ta, jung Judaiaha tangnang.

8. Sisirau bytamaikho tikha, Rabbi, Jiurau namai-kho longtai-jang doma naiba; namai pinhi oraha tangduko?

9. Jisu tifinkha, Saingha gonta jigni giri? sereba saingha himkhade bo kudaia, sumune bo fertini zynatai nure.

10. Tikabo sereba horha himkhade bo kudare; sumune zynatai boha giri.

11. Bytamai ebo gyraunisikho tikha, boni iahungha bytamai bonisikho tikha, Jini kafiung Lazaros tukha; tikabo ang tangdu, bokho tutani farang mysafugotai.

12. Boha sisirau bytamaikho tikha, Gybra, bo tukhade hamfinnang.

13. Jisu boni thitaini bytai tikha; tikabo bonisi khaba baukha, bytamai mudri jang lengoba bytaikho tikha.

14. Odebani Jisu bo bubliha bonisikho hamsisi tikha, Lazaros thikha.

15. Ar ang oraha dongba giri tihi, nisini khylaihi ang khazadu, nisi lonfugotai; tikabo, ta, jung boni rugungha tangnang.

16. Boha, Thomas, gonu Didymos, sisiluguraukho tikha, Ta, jungbo tangnang, bytamaini lugu thifugotai.

17. Odebani Jisu faihi mitikha, bo bubliha saingbri mangklungha dong.

18. Bethania Jerusalemni rugung bangdau bangiadau farlong jyra jaingdu.

19. Ar Jiurauni gybangnu Martha ar Marianiha faiba, bosini dafiungni bytaiha bonisikho folafugotai.

20. Odebani Jisu faiba khanahi, Martha tanghi bytamaini lugu goronlaikha; tikabo Maria noha kamhi dongkha.

21. Odebani Martha Jisukho tikha, Gybra, namai eraha dongkhade, ani dafung thiamu.

22. Ar duhabo ang mitidu, namai Ishorniha sumu kisa saingnang, Ishor namaine rinang.

23. Jisu bokho tikha, Nuni dafung gakufunang.

24. Martha bytamaikho tikha, Ang mitidu, bysaing iahungtauha gakufintaiha bo gakufinnang.

25. Jisu bokho tikha, Ang gakufintai ar hang; jar aniha lonre, bo thikhabo gythang dongnang.

26. Ar jar sere gythang dong, ar aniha lonre, bo musi khalibo thinang nia: ebokhola nung londu?

27. Bo bytamaikho tikha, Ah, Gybra, ang lonkha namai bo Kristo, Ishorni Bysa, jar habsauha faidu.

28. Ede tihi bo tangkha, ar mutumha jarni bihandau Mariakho juruhi tikha, Hoja dong, nungkho jurudu.

29. Ebo khanahi bo synga bajahi bytamaini rugungha tangkha.

30. (Jisu bo khalihabo nolaiha tangba giri, tikabo jar hataniha Martha bytamaini lugu goronlaiba ora dongba.)

31. Odebani Jiurau noha boni rugungha dongba, ar bokho folaba, bonisi bykhali Mariakho synga bajahi bajiha tangba nukha, okhali bo gyramani khylaihi mangklungni rugungha tangdu bauhi, boni iahung iahung tangkha.

32. Odebani Jisu jar hataniha dongba, Maria bykhali ora tanghi bytamaikho nukha, okhali bytamaini iegaha gylaihi bytamaikho tikha, Gybra, namai eraha dongkhade, ani dafung thiamu.

33. Odebani Jisu bykhali nukha, bo gyradu, ar boni lugu lugu jar Jiurau faiba, bonisibo gyradu, bytamai byseha gor gor jakha ar khajeng rijaukha.

34. Ar tikha, Bokho byraha pubba? Bonisi tikha Gybra, fai nai.

35. Jisu gyradu.

36. Boha Jiurau tikha, Nai, bytamai bokho sumu bisi khasaudu.

37. Tikabo bonisini sereba sereba tikha, Bytamaibo ganani mu kururiba, bytamai edelaila khylaifuiamu, ebo subungbo thiamu ?

38. Odebani Jisu pinhi khaha ernekha, ar mangklungni rugungha tangkha. Bo hakor masi, boni bumukhangha longtai taisi dongba.

39. Jisu tikha, Nisi longtai disai. Thiaba subungni bihandau Martha bytamaikho tikha, Duha bo maran kha, sumune dini saingbri.

40. Jisu bokho tikha, Nungkhola tiba giri, lonkhade Ishorni man nainang ?

41. Boha bonisi longtaikho disaikha. Okhaliba Jisu bysau gyde naihi tikha, Baba, ang nungkho tihamdu, nung ani gyrau khanakha.

42. Ar ang mitibamu, nung nalai ani gyrau khanare ; tikabo ebo subungnisi sersergiding songhi dong, ebonisini khylaihi ang ebo gyrau tidu, ebonisi longotai, nungnu angkho haihaba.

43. Ebo gyraw tihi bytamai rausi rausi tikha Lazaros, bajahi fai.

44. Thiaba subung mangding-jang iega iau khafahi ba'gohi faikha ; ar boni mukang risa jang khafungba. Jisu bonisikho tikha, Bokho kururi, ar tangri.

45. Odebani jar Jiurau Mariani rugungha faiba, ar bytamai jarkho khylaiba nuba bonisini gybangu bytamaikho lonkha.

46. Tikabo bonisini sereba sereba Pharisiruniha tangkha, ar Jisu jar jarkho khylaiba bonisikho tiakha.

47. Odebani jontaimarau . ar Pharisirau mel khamhi tikha, Jung sumu khylaidu? sumune bo subung gybang isnni kusi khylaidu.

48. Edelai jung bokho tangrikhade, kurubbo boha longnang, ar Romasarau faihi, jini hatani ar jadi mung-gynibo selangnang.

49. Tikabo bonisini bisingha subung sausi Kaiaphas, bo maitaini jontaima bonisikho tikha, Nisi musibo mitia.

50. Subungnisini khylaihi subung sausi thire, ar kurub jadi gymaiatung eboni khylaihi hamba bokho baubo bauia.

51. Bo gyrau bytamai jarni farang tiba giri; tikabo bo; maitatini jontaima dongba tihi, ebo gyraukhandi tiba Jisu bo jadini khylaihi thima gylainang.

52. Ar bo jadini mamangseru nia, tikabo raji gublungiabasi Ishorni bysaraukho bytamai mutumhi masi khylaifure.

53. Odebani bo bysaingni farang bonisi bytamaikho sytaimani jablai.

54. Odebani Jisu pinhi nujauhi Jiurauni bisingha tangiafaiakha, tikabo orani farang hahagrani rugung-rajiha, Ephraim tiaba, nolaimaha tangkha; ar oraha sisirauni lugu dongkha.

55. Bykhali Jiuranni Gotai dusi rugung jaba; ar gybangnu jarnisikho gytar khylaimanikhylaihi Gotai dusini sygangha nolaini farang Jerusalemha tangkha. kha.

56. Odebani bonisi Jisukho symaikha, ar bykhali Ishorkoha songba sausi jang sausi tilaikha, Nisila sumu baudi? Bytamai dusiha fainang nia.

57. Jontaimarau ar Pharisirau saniba, bytamai byraha dong, sereba mitikhade funuritung, bytamaikho rumfugotai.

XII.

1. Odebani Jisu Gotai dusini saingdo sygangha Bethaniaha faikha oraha Lazaros dongba, jarkho Jisu gibirauni farang suguba.

2. Boha bonisi bytamaini khylaihi oraha bandera khylaikha, ar Martha suarjakha, ar jar jar bytamaini lugu banderha jima khamba Lazaros bonisini bisingha sausi.

3. Edebani Maira gybang duiaba her gyzersi mudui miaba tau lahi Jisuni iegaha hukha, ar jarni khanai-

jang bytaimaini iega pusakha, ar tauni mudumtai jang on gyblaiba.

4. Tikabo Judas Iskariot, bytamaini sisirauni sausi, jar bytamaikho haraini iauha iaufanang, tikha.

5. Ebo tau ryja gytam aduli-jang fainghi sumune dukisaraune rijauia ?

6. Bo dukisaranni khylaihi baubani tia, tikabo bo mykhau dongba ar boniha joli dongba, bo ha jarkho dongba, bo laba, edebani khylaihi.

7. Edebani Jisu tikha. Ani pibtaini bynsaigni khy-laihi ebokhobo dengri.

8. Sumune dukisarau nalaibo nisiniha dong, tikabo angkho nisi nalai maiadu.

9. Odebani gybang Jiurau mitifuba, bytamai ora dong: ar bonisi faikha, Jisuni khylaihisenu nia, tikabo azaroskho nugotai, jarkho bytamai githirauni farang sugaba.

10. Tikabo jontai jab, Lazaroskho sytaifugotai.

11. Sumune boni khylaihinu Jiurauni gybang subung tangba, ar Jisukho lonba.

12. Nokhanaihi dus faiaba subung gybang Jisu Jerusalemha faidu, khanahi.

13. Kezur bylai lahi bytamaikho lamjaumani baigokha, ar jurukauhi tikha, Hosanna; Hambi jar Bogrobani bumuha faidu, Israelni raja.

14. Ar Jisu gada kaseba masi maihi boni bysauha khambha; rebha dongbalai.

15. Zionni busu da kin; nai, nuni Raja gada bysauha gaihi faikha.

16. Bytamaini sisirau ebo kurub sygangtauha mitifuia; tikabo bykhali Jisu man gynang jakha, okhali bonisi uaingsokha, ebo kurubbo bytamaini bytai rebba dong.

17. Odebani bytamai bykhali Lazaroskho mangklungni farang juruba ar githirauni bisingni farang sugaba, bo bubliha jar subungnisi bytamaini lugu dongba, bonisi saki rirukha.

18. Edebani suoungnisi tanghi bytamaikho lamjaukha sumune bonisi khanaba bytamai bo sinni kusi khylaiba.

19. Odebani Pharisirau jarnisini bisingha tilaikka, Naisai, nisila musibo khylaifuia; nai habsau boni iahung rukha.

20. Jar jar dusiha bima tangba, bonisini bisingha saubisi Grik jadi dongba.

21. Odebani bonisi Galilini Bethsaidaha dongiaba Philipniha faihi sungkha, tikha, Gede, jung Jisukho naima mujungdu.

22. Philip faihi Andreaskho tikha ; Andreas ar Philip faihi Jisukho tikha.

23. Jisu bonisikho tinfkha tikha, Bublil sofaikha, subungni Bysa man gynang jagotai.

24. Gibi gbinu ang nisikho tidu, Mai gorong gorongi haha gylaiakhade ar thiakhade, gorongsisenu dongre; tikabo ebo thiakhade bytai gyhang taire.

25. Jar jarni hangkho khasaure, bo bokho gymajaure; ar jar ebo habsauha jarni hangkho guire, bo tauiaiaaba hangni khylaihi bokho raukinang.

26. Jar ani suar jakhade ani iahung faitung; ar jar hataniha ang dongre bo hataniha ani iausra dongnang; jar ani suar jare, bokho Bufa man khylainang.

27. Duha ani kha dolbol jadu; ang sumu tinang? Baba ebo bublini farang angkho sogo; tikabo edebani khylaihi ang ebo bublini bisingha habkha.

28. Baba, nuni bumu man gynang khylai. Boha ebo nokhasauni farang gyrau jakha, Ang man gynang khylaikha, ar pinhi man gynang khylainang.

29. Odebani subungnisi jar jar songba, ar bokho khanaba tikha, Hadi gurumkha. Gubunrau tikha, Sereba shorgoni dauga boni lugu gyrau jokha.

30. Jisu tiffinhi tikha, Ebo gyrau ani khylaihi jaja, tikabo nisini khylaihi.

31. Duha ebo habsauni bisar dong; duha ebo habsauni bogobra baigori-jaunang.

32. Ar ang, ang fertini farang sugujaukhade, kurubkho ani rugungha saingfanang.

33. Bytamai sumu bedelai thitaiha thinang, boninu saifunumani khylaihi ebo gyrau tikha.

34. Boha subungnisi bytamaikho tifinkha, Jung daraha khanaba Kristo nalai dongnang; ar namai sumu bede tidu, Subung Bysa sugujauma gylainang? Ebo subung Bysa sere?

35. Odebani Jisu bonisikho tikha, Zynatai duhabo bubli kisa nisini bisingha dong. Sumu bubli sosi nisiniha zynatai dong, him, andar nisini bysauha gylafaiagotai; ar jar andarha himre bo byra tangre mitia.

36. Sumu bubli sosi nisiniha zynatai dong, zynataiha lon, zynataini bysa jafugotai. Jisu ebo kurub gyrau tikha ar tanghi bonisini farang tumkha.

37. Tikabo bytamai bosini sygangha isi sinni kusi khylaikha, bonisi bytamaiha loniakha.

38. Esaias khandidiabani gyrau jagotai, Gybra, sere jini gyraukho lonkha? Ar Bogobrani iaudo sereni sugungha mitijaukha?

39. Edebani bosu lonfuba giri, sumune Esaias pinhi tikha.

40. Bytamai bonisini mu gana khylaikha, ar bosini kha raurikha. Iahungha bonisi mu-jang nuiagotai, khaha mitia-gotai, ar pinhi faia ar ang bonisikho hamiarigotai.

41. Esaias ebo kurubkho tikha, sumune bytamaini man nukha, ar bytamaini bytai tiba.

42. Tikabo bogobranisini bisingha gybang bytamaiha lonba; tikabo Pharisirauni khylaihi maniba giri; iahungha butuni farang bonisi gauaiagotai.

43. Sumune bonisi Ishorni man maibatane, subungniha man maiba hamjaudaure.

44. Ar Jisu jurukhauhi tikha, Jar angha lonre, bo angha lonia, tikhabo jar angkho haihakha bytamaiha lonre.

45. Ar jar angkho naire, bo jar angkho haihakha bytamaikho naire.

46. Ang zynatailai jahi habsauha faikha, jar angkho lonre, bo andarha dongiagotai.

47. Ar sereba ani gyrau khanahi manikhade, ang boni bisar khylaiia ; sumune ang habsauni bisar khylai-manii nia, tikabo habsaukho sogomani faiba.

48. Jar angkho laiare ar ani gyrau laiare, boni bisar khylaiibra dong; ang jar gyrau tikha bonu iahung bysaingha boni bisar khylainang.

49. Sumune ang jarni farang tiba giri, tikabo Bufa jar angkho haihakha, bytamainu sumu tinang, sumu jonang, angkho saniba.

50. Ar ang mitidu bytamaini sanitai tauiaiaaba hang. Odebani ang jar jar gyrau tidu, ani Baba belai angkho tikha, olai tidu.

XIII.

1. Gotai dusini sygannga Jisu ebo habsauni farang Bufani rugungha bytamai tangbli faikha mitihi, bytamaini jarnikho jar jar habsauha dongba khasauhi, bonisikho iahungtausosi khasauba.

2. Ebo hornijibliha, Haseng bytamaikho rumrimani khylaihi, Simonni bysa Judas Iskariotni khaha ribani iahungha,

3. Jisu, Bufa khurubkhobo bytamaini iauha iaufakha, ar bytamai Ishorni farang baigohi faikha, ar Ishorni rugungha tangdu mitihi,

4. Jibani farang bajakha, bytamai funiaba ri dengkha, ar risa lahi jarni jengkhong sokha.

5. Boni iahungha bytamai bokoha di lusenghi, sisi-rauni iega surirukha, ar jar risa-jang jengkhong soba, bo-jang pusarirukha.

6. Boha bytamai Simon Petrosni rugungha faikha, bo bytamaikho tikha, Gybra, namaila ani iega surinang ?

7. Jisu tifihi bokho tikha, Ang sumukho khylaidu nung duha bokho mitia, tikabo boni iahungha tar-mainang.

8. Petros bytamaikho tikha, Namai musi khalibo ani iega surifunang nia. Jisu bokho tifinkha, Nungkho susaiakhade, ani lugu nuni musi banta giri.

9. Simon Petros bytamaikho tikha, Gybra, ani iega mamangsenu nia, tikabo iau ar khoro susari.

10. Jisu bokho tikha, Jar digrukha, iega surijaumani binaga musi nangnang nia; boni saumang gubun jangu gytar; ar nisi gytar, tikabo kurub nia.

11. Sumune jar bytamaikho rumrinang, bokho bytamai mitiba, odebani tikha, Nisi kurub gytar nia.

12. Odebani bykhali bonisini iega surihi ar bytamaini funiaba ri funhi bytamai khamfinbaha bonisikho tikha, Nisini gydeha ang sumu khylaikha, nisi mitidu?

13. Nisi angkho Hoja, Gybra tibi jurure; hambanu khylaire, sumune ang olainu.

14. Tikade Hoja ar Bogobra jahi, bykhali ang nisini iega surikha, nisi sausini iega sausi surima nangre.

15. Sumune ang nisikho khylaifunukha, ang nisini khylaibalai nisibo khylaigotai.

16. Gibi gbinu, ang nisikho tidu, Leng jarni bogobratane dedaui, ar jar haijauba, bo jar bokho haire, bytamaineta dedaui.

17. Edebanisikho mitikhade, nisi ebonisikho khylai-khade hambi.

18. Ang nisini kurubni bytai tia; jar jarkho ang nangjaukha, bonisikho ang mitire; tikabo shastroni ebo gyrau jagotai, Jar ani lugu hon jire, bo ani gyde boni iabangla sugukha.

19. Jabani sygangha duni farang nisikho tidu jakhade, nisi, angnu bo tihi, bo longfugotai.

20. Gibi gbinu, ang nisikho tidu, Ang jarkho haihare, bokho bo lare, bo angkho lare; ar jar angkho lare, jar angkho haihakha bytamaikho bo lare.

21. Ebo kurub tibani iahungha Jisu byseha maukha, ar saki rihikha, Gibi, gbinu, ang nisikho tidu Ni-ini bisingha subung sausi angkho haraini iauharikha.

22. Bytamai sereni bytaikho tikha, sisirau kha goronhi sausini gyde sausi naikha.

23. Jisuni sisi sausi jarkho Jisu khasauba, bytamaini khabauha sydaingba.

24. Odebani Simon Petros bokho mugur gauhi tikha, Jarni bytaikho bytamai tikha, bo sere ?

25. Bo belai dongba, olainu Jisuni khabauha sydainghi bytamaikho tikha, Gybra, bo sere ?

26. Boha Jisu tifinkha, Ang honkleb jarni khylaihi jemnang, ar jarne rinang, bo. Odebani bytamai honkleb jemhi bokho lakha, ar Simonni bysa Judas Iskariotne rikha.

27. Ar honkleb iahunghanu, Hasong boni bisingha habkha; odebani Jisu bokho tikha, Jarkho khyलाईdu synga khylai.

28. Bytamai sumu khylainani bokho ebo gyrau tikha, bokho handeraha khamiarauni bisingha sausibo mitia.

29. Sumune sereba sereba khaha baukha Judasniha joli dong tihi, Jisu bokho tikha, Dusini khylaihi jini sumu sumu nangre, bo kurub byrai; niakhade, bo dukisaraune kisa rigotai.

30. Boha bo honkleb lajauba, odebani bo tab bajiha tangkha; boha hor dongba.

31. Odebani bo bajiha tangkhade, Jisu tikha, Duha subungni Bysa man gynang jakha, ar bytamaiha Ishor man gynang jakha.

32. Ar Ishor bytamaikho jarta man gynang khylainang, ar synganu bytamaikho man gynang khylainang.

33. Nanarau, duhanu bubli kisa ang nisini lugu dong. Nisi angkho symai, ar ang bedelai Jiuraukho tikha, Byraha ang tangdu, nisi faifuia; odebani duhanu nisikho tidu.

34. Sanitai gydaing taise ang nisine tidu, Nisi sausi jang sausi khasaulaigotai; ang bedelai nisikho khasaukha, odelai nisibo sausi jang sausi khasaulaigotai.

35. Ebo-jangnu kurub mitinang, nisi ani sisirau, nisi sausi jang sausi khasaulaikhade.

36. Simon Petros bytamaikho tikha, Gybra, namai byraha tangdu? Jisu tifinka, Ang byraha tangdu, duha nung ani iahung tangfuia; tikabo eboni iahungha tangfunang.

37. Petros bytamaikho tikha, Gybra, duhanu sumune namaini iahung iahung tangfuia? Namaini khylaihi ani hang rinang.

38. Jisu tifinkha, Nungla ani khylaihi nuni hang rinang? Gibi gbinu, ang nisikho tidu, Nung bykhali sosi angkho alang gytam manianang, dauno gisinang nia.

XIV.

1. Nisini kha kajeng kajeng dajatung. Ishorkho lon, angkhonu lon.

2. Ani Babani noha gybang dongtani dong; niakhade ang nisikho tikamu, sumune ang nisini khylaihi hatani sylamma tangdu.

3. Ar ang nisini khylaihi hatani sulamma tangkhade, ang pinhi faidu; ar ang jarniha nisikho langdu; ang byraha, nisibo oraha dong-gotai.

4. Ar ang byraha tangdu, nisi orani lama mitire.

5. Thomas bytamaikho tikha, Gybra, namai byraha tangdu, jung mitia, tikala jung bede lama mitinang?

6. Jisu bokho tikha, Ang lama, gibi ar hang; angjang niakhade sausibo Bufaniha faiba nia.

7. Nisi angkho mitikha, ani Bufakho mitikhamu, duni farang bytamaikho mitikha ar bytamaikho nukha.

8. Philip bytamaikho tikha, Gybra, Bufakho jineta funu, ar ebonu jini bangkha.

9. Jisu bokho tikha, Philip, Isi sosi ang nisini lugu dong, ar nung angkho mitiakho? Jar angkho nukha bo Bufakho nukha, nung bede khylaihi tikha, Bufakho jineta funu?

10. Nungla lonia, ang Babaha dong, ar Baba angha dong? Ang jar gyraunisi nisikho tidu ani farang tia; tikabo Baba angha donghi jarni kusi khylaidu.

11. Angkho lon, ang Babaha dong, ar Baba angha dong; niakhade ani kusini khylaihi angkho lon.

12. Gibi gbinu, ang nisikho tidu, Jar angkho lonre, ang jar jar kusi dongre, bobo dangnang; ar ebotane bo dedau dedauiaba kusi dangnang, sumune ang Babaniha tangdu.

13. Ar nisini ani bumuha jarkho saingnang, bokhonu ang khylainang, Bufa Bysaha man gynang jagotai.

14. Nisi ani bumuha aniha kisa saing khade, bokhonu ang khylainang.

15. Nisi angkho khasaukhade ani sanitainisi mytau-nang.

16. Ar ang Babani rugungha saingnang, ar bytamai nisjne gubun sausi Gysaingriabakho rinang, jar nalai nisini lugu dongnang, bytamai gibini Byse.

17. Jarkho habsau lafuia; sumune bo bytamaikho nuba giri, bytamaikho mitibo mitia; nisi bytamaikho mitire; sumune bytamai nisini rugungha dongre, ar nisini khaha dongnang.

18. Ang nisikho agdu giriaba khylaihi tangnang, nia; ang nisini rugungha faid'u.

19. Kisa iahungha habsau angkho nufinnang nia tikabo nisi angkho nunang; sumune ang gythang, nisibo thangnang.

20. Bo bysaing khalaha nisi mitinang, ang ani Babaha dong, nisi angha dong, ar ang nisiha dong.

21. Jar ani sanitai kurubkho maikha, ar bo kurubkho manire, bonu angkho khasaure; ar jar angkho khasaure, bo ani Baba-jang khasaujaunang, ar ang bokho khasaunang ar ang jarkho boniha fununang.

22. Judas (Iskariot nia), bytamaikho tikha, Gybra sumu jakha, namai habsauni rugungha nia, jini rugunghanu jarkho fununang?

23. Jisu tiffinhi bokho tikha, Sereba sereba angkho khasaukhade, bo ani gyrau maninang; ar ani Baba bokho khasaunang, ar jung boni rugungha fainang, ar boni lugu dongnang.

24. Jar angkho khasauia, bo ani gyraunisikho mania, ar nisi jar gyrau khanare bo ani nia, tikabo jar angkho haihakha, bo Bufani gyrau.

25. Nisini lugu donghi donghi ebo kurub nisikho tikha.

26. Tikabo Gysaing-riaba, Byse Gytar, járkho Bufa ani bumuha haihanang, bytamai nisikho jar jarkho ang tikha, bytamai kurubkho nisine sulungrinang kurubkho uaingsoriar nang.

27. Gysaingtaikho ang nisine galangdu, ani gysaingtaikho nisine ridu; habsau bedelai rire, ang odelai nisine ria. Nisini kha da mautung, da kintung.

28. Nisi khanakhade, ang nisikho tikha, Ang tanglagadu, ar nisini rugungha faidu. Nisi angkho khasaukhade, khazakhamu, sumune ang Babaniha tangdu; bedehe Baba aneta dedau.

29. Ar duha jabani sygangha ang nisikho tikha, jablaibaha nisi lon-gotai.

30. Ang nisini lugu ar gybang gyrau jonang niakho, sumune habsauni bogobra faidu: ar aniha boni musibo iau giri.

31. Tikabo habsau mitifugotai, ang Babakho khasaure, ar Baba bedelai sanikha, ang odelainu khylaire, Baja, ta, erani farang tangnang.

XV.

1. Ang gibi draka budung, ar ani Bufa dangiasa.

2. Aniha dongiaba bedeb debforong, jar bytai taiare, bytamai bokho dangkhylaire; ar jarha bytai taire bytamai bokho rygaure, gybang bytai taigotai.

3. Ang nisikho jar gyrau tikha, odebani nisi rygau kha.

4. Angha dong, ang nisiha dong. Draka budungha dongiakhade bedeb jar bytai taifuia, olainu angha dongiakhade nisibo bylaia.

5. Ang draka budung, nisi bedeb; jar angha dongre, ar ang jarha dongre bonu gybang bytai taire, sumune ani binaga nisi musibo khylaifuia.

6. Sereba angha dongiakha, bo bedebelai bajiha dangkhylajaure ar rainglangre ; ar bonisi bonisikho mutumre, ar uaiha dangsengre, ar bo kurub khamlangre.

7. Nisi angha dongkhade, ar ani gyrau nisiniha dongkhade, mujungbalai saing, nisine bo khylaijaunang.

8. Eboha ani Baba man gynang jare, nisi gybang bytai taigotai, ar nisi ani sisirau janang.

9. Baba angkho khasaubalai, angbo nisikho khasaudu, nisi ani khasautaiha dong.

10. Nisi ani sanitai manikhade, ani khasautaiha dongnang : angnu ani Babani sanitainisi manikha, ar bytamaini khasautaiha dongdu.

11. Nisine ebo kurubkho ang tikha, nisiniha ani khazatai dong-gotai, ar nisini khazatai sosofugotai.

12. Ebo ani sanitai, Nisi sausi jang sausi khasaulai-gotai, ang nisikho khasaubalai.

13. Sereba jarni khafiungni khylaihi hang rire, ebota-ne bangdauiaba khasautai sausinibo giri.

14. Ang nisikho jar jarkho saninang, bo kurubkho manikhade, nisi ani khafiung.

15. Odebani ang nisikho iausra tia ; sumune bogobra sumu khylaire, iausra bokho mitia ; tikabo ang nisikho kbafiung tikha ; sumune ang Bufaniha jar jarkho kha-nakha, kurubkhobo nisine mitirikha.

16. Nisi angkho nangjauia, tikabo ang nisikho nangjaukha, ar nisikho fynangkha, nisi tanghi bytaija-gotai, nisini bytai dong-gotai ; ani bumuha nisi Bufaniha kisa saingnang, bytai bokho nisine rifugotai.

17. Ang eho kurubkho nisikho sanidu, nisi sausi jang sausi khasanlaigotai.

18. Habsau nisikho guikhade ; niside mitire nisikho guimani sygannga bo angkho guikha.

19. Nisi habsauni jakhade habsau jarni khasaumu : tikabo niside habsauni nia, ang nisikho habsauni farang nangjaukha, edebani habsau nisikho guire.

20. Ang nisikho jar gyrau tikha, bo uaingso, Bogobratane iausra dedauia. Bonisi angkho pezengkade,

nisikhobo pezengnang; bonisi ani gyrau manikhade, nisini gyrau manikhamu.

21. Tikabo bonisi ani bumuni khylaihi nisini gyde ebo kurub khylainang; sumune jar angkho haihakha, bytamaikho bonisi mitia.

22. Ang faiakhade ar bonisikho musu gyrau tiakhade bonisini musu pap jaiamu; tikabo duha bonisini papni khyliah timani musibo giri.

23. Jar angkho guire, bo ani Babakho guire.

24. Jar kurub kusi, sausibo dangba giri, ang bosini bisingha bo kurubkho khylaiakhade, bosini pap jaiamu; tikabo duha bonisi angkho ar ani Babakho jinikho, nukha, ar guibo guikha.

25. Tikabo edelai jakha bosini daraha rebiaba gyrau jagotai, Bonisi edeni angkho guikha.

26. Tikabo bykhali Gysaing-riaba fainang, jarkho ang Babani farang nisiniha haihanang, jar Bufani farang faire, gibini Byse, bytaihi ani bytaiha saki rinang.

27. Ar nisila saki rinang: sumune nisi sygantauni farang ani lugu lugu dong.

XVI.

1. Ebo kurubkho nisikho ang tikha nisi bada maiagotai.

2. Subungnisi nisikho butuni farang bajiha khai-kohanang; isi sumu, bubli faidu, nisikho sereba dotaire, bo khaha baure, Ishorni khylaihi kusi kbylaidu.

3. Ar bonisi ebonisikho khylainang, sumune bonisi Bufakho mitiba giri, angkhobo mitiba giri.

4. Tikabo ebo kurubkho ang nisikho tikha, ebo kurubni bubli jakhade, ang jar kurubkho nisikho tikha, bo uaingsofugotai. Ar ebo kurubkho nisikho sygan-gha tiba giri, sumune ang nisini lugu dongba.

5. Tikabo duha jar angkho haihakha, bytamaini rugungha tangdu: ar nisini sausibo angkho sungia Namai byra tangdu?

6. Tikabo sumune ang kurubkho nisikho tidu, nisini kha duku-jang gyblaikha.

7. Tikabo ang nisikbo gibi jodu, Ani tangtai nisini gyde hambu; sumune ang tangiakhade Gysaingriaba nisini rugungha fainang nia; tikabo tangkhade bytamaikho nisini rugungha haihanang.

8. Ar bytamai faihi habsaukho papni bytaiha, ar dormoni bytaiha, ar bisarni bytaiha gyzai khylainang.

9. Papni bytaiha, sumune bonisi angkho lonia.

10. Dormoni bytaiha, sumune ang Bufani rugungha tangdu, ar nisi angkho ar nuiadu.

11. Bisarni bytaiha, sumune ebo habsauni bogobra bisar khylaijaukha.

12. Duhabo nisikho ani tima gybang dong, tikabo duha nisibo kurub baingfuia.

13. Tikabo bytamai, gibini Byse, bykhali fainang, bytamai nisikho lama funuhi kurub gibiha langhi tangnang: sumune bytamai jarni farang tinang nia, tikabo jar jarkho khananang bokhonu tinang; ar bytamai nisikho faignuiabanisi tihi mitirinang.

14. Bytamai angkho man gynang khylainang; sumune bytamai anikhonu lahi nisikho mitirinang.

15. Bufani jar kisa dong kurubbo ani; edebani ang tikha, bytamai anikhonu lahi dongre, ar bonisikho mitirinang.

16. Kisa bubli iahungha ar nisi angkho nuiadu; ar pinhi kisa bubli iahungha nisi angkho nunang.

17. Odebani bytamaini sisirauni bisingha gejesi tilai-kha, Bytamai jungkho ebo sumu tidu, Kisa bubli iahungha, nisi angkho nuiadu; ar pinhi kisa bubli iahungha, nisi angkho nunang; ar Sumune ang Bufani rugungha tangdu?

18. Odebani bonisi tikha, Bytamai ebo sumu tidu, Kisa bubli? Bytamai sumu tidu, jung khamau hab fuia.

19. Jisu mitifukha, bonisi bytamaikho sungma naidu, debani bonisikho tikha, Ang jarkho tikha, Kisa bubli

· iahungha nisi angkho nuiadu, ar pinhi kisa bubli iahungha angkho nunang ; ebo bytaikho sausi jang sausi sumu sungdu ?

20. Gibi gbinu, ang nisikho tidu, Nisi gyranang, ar gyratai tinang, tikabo habsau khazarinang ; nisi duku mainang, tikabo nisini duku khazatai janang.

21. Saugobliha mysaingju duku maire, sumune boni bubli faikha ; tikabo nana hajaibani iahungha, habsauha subung sausi hajaikha, ebo khazataiha boni duku ar khaha dongiare.

22. Odebani nisibo duha duku jadumu, tikabo ang nisikho pinhi nainang, ar nisini kha khazanang, ar nisini khazatai sausibo nisini farang khaui.

23. Ar bo bysaingha nisi angkho musi sungnang nia. Gibi gbinu ang nisikho tidu, Nisi Bufaniha kisa saingkhade, bytamai ani bumuha bokho nisine rinang.

24. Dasi sosibo nisi ani bumuha musi saingba giri ; saing, nisi mainang, nisini khazatai sosogotai.

25. Ebo kurubkho ang tifunutaiha tidu ; elaiaba bubli faidu, bykhali ang ar tifunutai jang nisikho tinang nia, tikabo surung surung nisikho Bufani bytaikho mitirinang.

26. Bo bysaingha nisi ani bumuha saingnang ; ar ang nisikho tia, ang nisini khylaihi Bufani rugungha binang.

27. Sumune Bufa jar nisikho khasaure, sumune nisi angkho khasaukha, ar lonkha, ang Bufani farang baigohi faikha.

28. Ang Bufani farang baigokha, ar habsauha faikha ; ar pinhi habsau garhi Bufaniha tangdu.

29. Bytamai sisiraukho tikha, Nai, duha namai surung surung tidu, taisibo tifunutai tia.

30. Duha jung mitire namai kurubkho mitire, ar jar sereba namaikho sungre bo namaini kusi nangnang nia ; eboha jung londu, namai Ishorni farang baigohi faikha.

31. Jisu bonisikho tifunkha, Duha londu ?

32. Nai, bubli faidu, isi sumu faikha, nisi gablung hi sauforong jarni jarni lamaha tang-gotai, ar angkho saujang dangkhylainang; tikabo ang saujang nia, sumune Bufa ani lugu dong.

33. Ebo kurub ang nisikho tikha, nisi ang ha gysaing jangotai. Habsauha nisini duku dong; tikabo kitarau, ang habsaukho dekha.

XVII.

1. Jisu ebo kurubkho jokha ar shorgoni gyde mu suguhi tikha, Baba bubli faikha; nuni Bysakho man gynang khylai, Bysa nungkho man gynang khylaifugotai.

2. Nung bedelai bytamaine byhaing dongbasini bysauha rautai rikha, jar kurub bytamaikho rikha, bonisitane bytama tauiaiaaba hang rigotai.

3. Ar ebonu tauiaiaaba hang, bonisi nungkho, Ishor gibi sausi mamangkho, ar Jisu Kristo, jarkho nung haihakha, mitire.

4. Jar kusi nung angkho khylaima rikha, bokho bylaihi fertiha nungkho ang man gynang khylaikha.

5. Ar duha, O Baba, habsau jabani sygangha nuni lugu ani jar mohima dongba, bo mohima jang nung jarni lugu angkho man gynang khylai.

6. Habsauni farang jar subungnisikho nung ane rikha, bonisiniha nuni bumu ang funukha; bonisi nuninu dongba, ar bonisikho nung ane rikha, ar bonisi nini gyrau manikha.

7. Duha bonisi mitire, nung jar kisakho ane rikha, kurubbo nuni.

8. Sumune nung angkho jar kurub gyrau riba, ang bonisine rikha; ar bonisi labakha, ar gibinu mitikha, ang nuni farang baigohi faikha; ar bonisi lonkha, nung angkho haihakha.

9. Ang bonisini khylaihi bidu; habsauni khylaihi bia, tikabo jarnisikho aneta rikha, bonisini khylaihi; sumune bonisi nuninu.

10. Ar ani kurubbo nuni, ar nuni kurubbo ani ; ar ang bonisi-jang man gynang khylaijaukha.

11. Ang ar habsauha giri, bonisi habsauha dong, ang nuni rugungha faidu. Gytar Bufa, nini bumuha bonisikho rauki, jar bumu aneta rikha, bonisi masi jagotai, jung masi jabalai.

12. Ang bonisini lugu dong bykhali, nuni bumuha ang bonisikho raukikha, jar bumu aneta rikha : ang bonisikho hamsisi dengkha ar bo bysa githi binaga bonisini sausibo thiba giri ; shastroni gyrau jagotai.

13. Tikabo duha ang nuni rugungha faidu ; ar ebo gyraunisi ang habsauha tidu, bonisi ani khazatai jar jarni bisingha gyblaisi maigotai.

14. Ang bonisine nuni gyrau rikha ; ar habsau bonisikho guikha, sumune bonisi habsauni nia, ar angbo habsauni niabalai.

15. Ang ebo bia, nung habsauni farang langre, tikabo bo hamiaiaba byseni farang raukigotai.

16. Bonisi habsauni nia, angbo habsauni niabalai.

17. Bonisikho gibi-jang gytar khylai, nuni gyrauni gibi.

18. Nung angkho habsauha haihabalai, ang bo bonisikho habsauha haihakha.

19. Ar bonisini khylaihi ang jarkho gytar khylaire bonisi jar jar gibinu gytar khylaijau gotai.

20. Bonisini khylaihisenu ang bia, tikabo bonisini, gyrau-jang jar jar angkho lonre, bonisini khylaihi.

21. Bonisi kurubbo masi jagotai ; nung Baqa angha ang nungha dongbalai, bonisi jungha dong-gotai : habsau lon-gotai nung angkho haihakha.

22. Nung ane jar mohima rikha, ang bonisine rikha bonisi masi jagotai, jung masi jabalai.

23. Ang bonisiha, ar nung angha, bonisi masi hamsisi jagotai ; habsau mitifugotai, nung angkho haihakha, ar angkho nung khasaubalai, bonisikho nung khasaukha.

24. Baba nung jarkho ane rikha, ani mujungtai ede, ang jar hataniha dong, bonisibo ani lugu donggotai ;

bonisi ani mohima nugotai, nung jarkho ane rikha; sumune habsau sangsaibani sygangha nung angkho khasaukha.

25. Gibi gynangiaba Bufa, habsau nungkho mitiba giri, tikabo ang nungkho mitiba; ar bonisi mitikha nung angkho haihakha,

26. Ar ang bonisikho nuni bumu mitirikha, ar mitinang; jar khasautai-jang nung angkho khasaukha bo bonisini bisingha dongre, ar ang bonisini bisingha dongre.

XVIII.

1. Ebo kurub tihi Jisu jar sisirauni lugu baigohi Kedron dinarha tangkha, oraha bagisa kongsi dongba, boni bisingha bytamai ar bytamaini sisirau habkha.

2. Ar Judas jar bytamaikho rumrima jaba, bo oraha mitiba; sumune Jisu jarni sisirauni lugu alang gybang oraha tangkha

3. Odebani Judas, telenga-butu, ar jontaima ar Pharisirauni farang deglaraukho lahi tanfari uainjing ar pijongni lugu oraha faikha.

4. Odebani Jisu jarni bysauha jar kurub jadu miti, baigokha, ar bonisikho tikha, Serekho symaidu?

5. Bonisi bytamaikho tifinkha, Nazaretni Jisu. Jisu bonisikho tikha, Angnu bo. Ar Judas jar bytamaikho rumrima bauba, bobo bonisini lugu songhi dongba.

6. Odebani bykhali bytamai bonisikho tikha, Angnu bo, bonisi iahung durukha ar haha gylaikha.

7. Odebani bytamai pinhi bonisikho sungkha, Serekho symaidu? Bonisi tikha, Nazaretni Jisu.

8. Jisu tifinkha, Angla nisikho tikha, Angnu bo. Odebani angkho symaikhade, ebonisikho tangri.

9. Bytamai jar gyrau tikha, bo jagotai, Nung jar jarkho ane rikha, bonisini sausikhobo ang khymaba giri.

10. Odebani Simon Petrosni rugungha seng dongbani bo bokho khokha, ar jontaima lengkho daingkha, ar boni iaudani khymau daingkhauhakha.

11. Odebani Jisu Petroskho tikha, sengkho sengkho-
ha deng; jar lungkho Bufa ane rikha, angla bokho
lungnang nia?

12. Odebani telenga-butu ar, jyba-sygau, ar Jiurauni
deglarau, Jisukho rumkha, bytamaikho khakha, ar
sygangtauha Annasni rugungha lahi tangkha.

13. Sumune bytamai Kaiaphasni bahau, jar bo mai-
taini jontrima dongba.

14. Ar Kaiaphasbo Jiuraukho jabriba, su-bungnisi-
ni khylaihi sausi thibanu hamdau.

15. Ar Simon Petros Jisuni iahung iahung tangkha,
ar gubun sausi sisi tangkha. Ar bo sisi jontaima
jang mitijauba, ar Jisuni lugu jontaimani hakliha
habkha.

16. Tikabo Petros bajiha derga-khylaiha songhi
dongba. Odebani jontaima jang mitijauba bo gubun
sisi bajiha tanghi derga naiajukho tihi Petroskho
bisingha labukha.

17. Odebani derga naiaju. Petroskho tikha,
Nungbo ebo subungni sisirauni bisingha sausi? Bo
tikha, Ang nia.

18. Ar lengrau ar deglarau gysangbani hangarni
uaisuhi dongba, ar uaising khamba; ar Petrosbo bonisini
lugu uaising khamba.

19. Odebani jontaima Jisukho bytamaini sisirauni
ar bytamaini subrungtaini bytaikho sungkha.

20. Jisu bytamaikho tifinkha, Ang habsauni rung-
ungha bylasi tikha: ang melkoha ar Ishorkoha jar
hataniba Jiurau kurub gutumre, nalai subrungha,
khauhi musibo tiba giri.

21. Angkho sumune sungdu? Jar jar khanakha
bonisikho sung, ang bonisikho sumu tikha; nai, ang
jar jarkho tikha bonisi mitire.

22. Bytamai ebo gyrau tikhade, rugungha songiaba
telengarauni sausi Jisukho bykhaulairihi tikha, Jontai-
makho elai nung tiffinba?

23. Jisu bokho tifinkha, Gyzai tikade gyzaini saki ri;
tikabo gibikho ang tikha tikade, sumune angkho sudu?

24. Odebani Annas bytamaikho khahi Kaiaphasni rugungha haihakha.

25. Simon Petros songhi uaising khamba. Odebani bonisi bokho tikha, Nungbo boni sisirauni bisingha sausi? Bo maniakha, ar tikha, Ang nia.

26. Jontaimani lengrauni bisingha sausi, Petros jarni khamau daingkhylaihakha, boni haingti tikha. Angla nungkho boni lugu bagisaha nuba giri?

27. Boha Petros pinhi maniakha; ar tabnu daunu gisikha.

28. Odebani bonisi Jisukho Kaiaphasni farang bisar khylaibani hamanduha lahi tangkha: bo bubli forong dongba: ar bonisi gusu jaiagotai, tikabo Gotai jifure edebani khylaihi jar jar hamanduha habiakha.

29. Odebani Peilat bajiha bonisini rugungha tangkha, ar tikha, Nisi ebo subungni bysauha sumu gyzai tisengdu?

30. Bonisi tiffinhi bytamaikho tikha, Ebo subung hamia dangiaba niakhade jung ebokho namaini iauha iaufaiamu.

31. Odebani Peilat bonisikho tikha, Nisi jar jarnu ebokho lahi tang, ar nisini dara mafi eboni bisar khylai. Jiurau bytamaikho tikha, Sereba subungkho sytaima jini iau giri.

32. Jisuni gyrau jagotai, jarkho bytamai sumulai thitaiha bytamai thima gylainang, funumani khylaihi tikha.

33. Odebani Peilat pinhi hamanduha habkha, ar Jisukho jurukha, ar bytamaikhot ikha, Nungla Jiurauni raja?

34. Jisu tifiinkha, Nungla jarni farangti gubunrau ani bytaiha nungkho tikha?

35. Peilat tifiinkha, Angla Jiu? Nuni jadisirau ar jontaimarau nungkho ani iauha iaufakha, nungla sumu khylaikha?

36. Jisu tinfkha, Ani raji ebo habsauni nia : ani raji ebo habsauni jakhade, ani lengrau dainglaikhamui ang Jiurauni iauha iaufajauia-gotai : tikabo ani raj, erani nia.

37. Odebani Peilat bytamaikho tikha, Tikala nung raja ? Jisu tinfkha Nung tidu, Ang raja. Eboni khylaihi ang hajaikha, ar eboni khylaihi ang habsauha faikha, gibini gyde saki rigotai. Jar jar gibini bo ani gyrau khanare.

38. Peilat bytamaikho tikha Gibinu sumu ? Ar ebokho tihi bytamai pinhi baigohi Jiurauni rugungha tangkha, ar bonisikho tikha, Angla boni musibo gyzai maia.

39. Tikabo nisini dara masi dong, ang Gotai dusini bubliha nisini khylaihi sausikho haigarre : odebani nisi sumu mujungdu, ang Jiurauni rajakho nisini khylaihi haigarnang ?

40. Bonisi pinhi jurukhauhi tikha, Ebo nia ; tikabo Barabbas. Bo Barabbas dakhait dongba.

XIX.

1. Odebani bo bubliha Peilat Jisukho rumhi migur jang sukha.

2. Ar telengarau suni khorotu sylamhi bytamaini khoroha rikha, ar bytamaikho rigjau gaingrikha.

3. Ar bytamaini rugungha faihi tirukha, Jiurauni raja, salaam ! ar bytamaikho bykhlaulairikha.

4. Peilat tiffinhi baigokha ar bonisikho tikha, Nai, ang bokho bajiha nisini rugungha labudu, nisi nufugotai, ang boni musi gyzai maia.

5. Odebani Jisu suni khorotu ar rigjau gainghi baigokha, ar Peilat bonisikho tikha, Nai, bo subung.

6. Odebani bykhali jontaima ar telengarau bytamai-kho nukha, bonisi jurukhauhi tikha, Bong brabriha ri, Peilat bonisikho tikha, Nisi jarni bokho lahi bong-brabriha ri ; sumune ang boni musi gyzai maia.

7. Jiurau bytamaikho tifinkha, Jini dara masi dong. ar bo dara mafi bo thima nangre ; sumune bo jarkho Ishorni Bysa khylaihi sugukha.

8. Odebani Peilat bykhali ebo gyrau khanakha, bytamai kindaukha.

9. Ar pinhi hamanduha babkha, ar Jisukho tikha, Nung byrani farang faikha ? Tikabo Jisu musibo tifiakha.

10. Odebani Peilat bytamaikho tikha, Ani lugu nung gyrau joiakha ? Nungla mitia nuni sogomani rautai ani dong, nungkho bongbrabriha rimani ani rautai dong ?

11. Jisu bytamaikho tifinkha, Bysauni farang nungkho rijaukhade, ani bysauha nuniir autar dongiamu ; odebani jar angkho nuni iauha iaufakho boni pap bangdau.

12. Boha Peilat bytamaikho sogoma saunangkha ; tikabo Jiurau jurukhauhi tirukha, Namai bokho sogokhade namai Kaisarni bakhafung nia ; jar sere jarkho raja khylaihi sugufure, bo Kaisarni bobai nia.

13. Odebani Peilat ebo kurub gyrau khanahi Jisukho bajiha langkha, ar Longbum, Hebruni gyraujang Gabbatha tiaba, hataniha bisar khamflaiha khamkha.

14. Ebo bysaing, Gotai dusini Bozaibani bysaing dongba ; saing bangdau bangiadau guta mado janang Bytamai Jiuraukho tikha, Nai, nisini raja.

15. Boha bonisi jurukhauhi tikha, Lang, lang bokho bongbrabriha ri. Peilat bonisikho tikha, Nisini rajakhola bongbrabriha rinang ? Jontaimarau tifinkha, Kaisarni binaga jini raja giri.

16. Odebani bo bubliha bytamaikho bongbrabriha rimani khylaihi bonisini iauha iaufakha. Odebani bonisi Jisukho lakha.

17. Ar bytamai jarni bongbrabri jarnu bainghi baigokha, Laukhong tiaba hataniha tangkha, jarkho Hebruni gyrau Golgotha tire.

18. Oraha bonisi bytamaikho bongbrabriha rikha, ar bytamaini lugu gubun ginikho, sausi iauda, ar sausi iausiha, ar Jisu gezerha.

19. Ar Peilat gyzailai rebhi bongbrabri bysauha fynang rikha. Ede reb-ba, NAZARETHNI JISU, JIURAUNI RAJA.

20. Odebani Jiurauni bisingha gybangnu ebokho forikha; sumune jar hataniha Jisukho bongbrabriha rijaukha, bo hatani nolaimani rugung; ar bo Hebru Latin ar Grikni gyrau jang rebba dongba.

21. Odebani Jiurauni jontaima rau Peilatkho tikha, Jiurauni raja da-reb; tikabo reb, bo tikha, Ang Jiurauni raja.

22. Peilat tifinkha, Ang jarkho rebkha, bokho rebkha.

23. Odebani telengarau Jisukho bongbrabriha ribylaihi bytamaini ri lahi banta-bri khylaikha, sausi sausi telengani khylaihi bantasi, ar bytamaini angorkhakhobo lakha, eboha sumai giri, boni kysauni frang dauba.

24. Odebani bonisi sausi jang sausi tirukha, Bokho dajekhau, tikabo hataikhondada namang, sereni jare. Ebo shastroni gyrau jagotai, Bonisi jar jarni bisingha ani ri ronlaikha ar ani gaingsini khylaihi hatarhonhi ronlaikha.

25. Tikabo Jisuni bongbrabrini rugungha bytamaini buma ar bytamaini bumausi-maiung, Klopasni bihi Maria, ar Maria Magdalen songhi dongba.

26. Odebani Jisu bumakho nuhi ar jar sisikho bytamai khasauba, bo sisi rugungha songhi dongba nuhi, bumakho tikha, Amang, nai, namaini bysa !

27. Iahungha sisikho tikha, Nai, nuni buma ! Ar bo bublini farang bo sisi bytamaikho jarni noha lakha.

28. Eboni iahungha Jisu ebokho mitihi, kurub duha sokha, shastro jagotai, tikha Ang gangkha.

29. Orahaha sirca-jang gyblaiaba boko grangsi dengba; boha bonisi sirca-jang gyblaiaba sponj isop fontoni bysauha kamrihi bytamaini kuha rumkha.

30. Odebani Jisu bo sirca lahi tikha Jamkha; ar khoro gongrihi bytamai jarni hang rikha.

31. Odebani Jiurau bo bysaing, Bozaibani bysaing tihi, saunisi lengo-bysaingha bongbrabrini bysauha dongiagotai; (sumune bo lengo bysaing gede bysaing gylaiba). Edebani Peilatkho bikha, bonisini iega sybairi gotai, ar bonisikho gubun hataniha disaigotai.

32. Odebani telengarau faihi sygangtau-iabani iega sybaikha, ar bytamaini lugu bongbrabriha rijauiba gubun-niiega sybaikha.

33. Tikabo bonisi Jisuni rugungha faibani khaliha nukha, eboni sygangha thikha, bytamaini iega sybaiakha.

34. Tikabo telengarauni bisingha sausi jong jang bytamaini sangkhreng jauflakha, ar tabnu ti ar di baigokha.

35. Ar jar subung nukha, bonu saki rikha, ar boni saki gibi saki; ar bo mitire, bo gibi jodu, nisibo longotai.

36. Sumune ebo kurub jakha, ebo shastroni gyrau jagotai, Bytamaini begreng grengsibo bainang nia.

37. Pinhi, shastroni gyrau gubun taisi ede, Bonisi jarkho jauflaba bytamaini bysauha naihi nunang.

38. Ar ebo kurubni iahungha Arimathaiani Joseph Jisuni sisi, tikabo Jiuraukho kinhi khauhi dongba—Peilatkho tikha, bytamai Jisuni saukho langhi tangfugotai; boha Peilat manikha. Odebani bytamai faihi bytamaini saukho langhi tangkha.

39. Ar Nikodimos, jar sygangtauha horha bytamaini rugungha faiba, bytamaibo faikha, ar bangdau bangiadau herdan modumdi ar agur gibring bidi lugu labukha.

40. Odebani bonisi Jisuni sau laihi pubmani khylaihi, Jiurauni dara mafi bo mudumiaba banini lugu rijang bokho kakha.

41. Jar hataniha bytamaikho bongbrabriha riba, ora bagisa khonsi dongba; ar bo bagisaha mangkhor gydaing khorsi dongba, boha dasi sosi musi khali sausikhobo dengba giri.

42. Odebani Jiurauni Bozaibani bysaing tihi, orahanu Jisukho dengkha, sumune bo mangkhor rugungha dongba.

XX.

1. Dusini syangtau bysaingha Magdalen Maria forongmaha, andar dongdusi dongdusi faihi naikha, mangkhlungni farang longtaikho disaikha.

2. Odebani bo kaihi Simon Petrosni rugungha ar jarkho Jisu nangjauba, bo gubun sisini rugungha tangkha, ar bonisikho tikha, Bogobrakho mangkhlungni farang langhi tangkha; bytamaikho byra dengkha, jung mitia.

3. Odebani Petros, ar bo gubun sisibo baigohi mangkhlung gyde tangkha.

4. Bonisi gynijang lugusi kaikha, tikabo bo gubun sisi Petroskho iahungaha dangkhylaihi boni syangaha mangkhlungni rugungha faikha.

5. Ar gonglaihi bisingha naihi bo nukha, rinisi gylaihi dong; tikabo bisingha habiakha.

6. Odebani boni iahung iahung Simon Petrosbo faikha, ar mangkhlung bisingha habkha; bo nukha, rinisi gylaihi dong.

7. Ar bytamaini khoro sauha jar risa dongba, bo rini lugu giri, tikabo gataisiha sebhi dong.

8. Boha bo gubun sisi, jar mangkhlung rugungha sygantau faiba, bobo bisingha habkha, ar nukha ar lonkha.

9. Sumune dasi sosi bonisi ebo shastro mitiba giri bytamaikho githirauni farang gakuhi pinma gylainang.

10. Odebani bo sisirau jar jarni dongtaniha pinhi tangkha.

11. Tikabo Maria bajiha mangkhlung rugungha songhi gyrahi dongba; odebani gyrahi gyrahi bo gonglaihi mangkhlung bisirgha naikha.

12. Ar nukha, ri gufu gaingiaba shorgoni daugarau gini khamhi dong, jar hataniha Jisuni saukho dengba, sausi sygaufangha ar sausi iafangha dong.

13. Bytamai-mutu bokho tikha, Amangi! sumune gyradu? Bo bytamaitukho tikha, Bonisi ani Gybrakho langhi tangkha, bytamaikho byraha dengkha ang mitia.

14. Ebo gyrau tihi bo iahung pinkha, ar nukha, Jisú songhi dong, tikabo bytamai Jisu, bo bysau mitifuiakha.

15. Jisu bokho tikha, Amang, sumune gyradu? Serekho symaidu? Bytamai bagisa-raukia bauhi bo bytamaikho tikha, Gede, namai bytamaikho langhi dongkha tikade byra dengkha, ane ti, ang bytamaikho langhi tangnang.

16. Jisu tikha, Maria. Bo finhi Hebru gyrau jang tikha. Rabboni, gonu Gybra.

17. Jisu bokho tikha Angkho da gudung, sumune ang dasibo Bufani rugungha bysauha tangba giri; tikabo ani dafungrauni rugungha tang, bonisikho ti, Ang ani Babani ar nisini Bufani; ar ani Ishorni ar nisini Ishorni rugungha bysauha tangdu.

18. Magdalen Maria faihi sisiraukho zymakha, Ang Bogobrakho nukha ar tikha, bytamai bokho edebasi gyrau tiba.

19. Odebani bo bysaing—dusini bysaing sygangtau—murgursumhi, sisirau Jiuraukho kinhi derga funghi jar hataniha dongba, oraha, Jisu faihi gezerha songkha, ar bonisikho tikha, Nisi gyaing tung.

20. Ar ebo tiki jarni iau-gni ar sangkhreng funukha. Odebani sisirau Bogobrakho nuhi khazakha.

21. Boha Jisu bonisikho pinhi tikha Nisi gysaing-tung. Bufa angkho haihabalai, ang olainu nisikho haihadu.

22. Ar eho tihi bytamai bonisini bysauha bar sukha, ar bonisikho tikha, Byse Gytar la.

23. Nisi jar jarni pap khymanang, bonisini pap khymajaunangnisi jar jarni pap mytaunang, bosini pap dongnang.

24. Tikabo Thomas jignini bisingha sausi, jarkho Didymos tire, Jisu faiba khaliha bosini lugu dongba giri.

25. Odebani gubun sisirau bokho tikha, Jung Bogobrakho nukha. Tikabo bo bonisikho tikha, Bytamaini iauha gozalni dangari nuiakhade, ar gozalni dangariha ani iausi riakhade, ar bytamaini sangkhrengha ani iau riakhade, ang lonnu lon-nang nia.

26. Saingjaini iahungha pinhi bytamaini sisirau no bisingha dongba, ar Thomas bosinini lugu dongba. Dergi funghi dongba, ebo bubliha Jisu faikha, ar gezerha songhi tikha, Nisi gysaing-tung.

27. Iahungha Thomas-kho tikha, Nini iausi era labu, ar ani iaugni nai, ar nini iau labu, ar ani sangkherengha ri; ar lonia giri daja, tikabo lon.

28. Thomas tiffinhi bytamaikho tikha, Ani Gybraani Ishor.

29. Jisu bokho tikha, Angkho nukha tihi lonkha; tibam bonisi jar jar nuba giri, tikabo lonkha.

30. Odebani Jisu sisirauni sygangha arbo gybang sinni kusi dangkha, bo kurub ebo laisimaha rebba giri.

31. Tikabo ebo kurub rebkha nisi longotai Jisunu Kristo, Ishorni Bysa; ar lonhi bytamaini bumuha hang maigotai.

XXI.

1. Eboni iahungha Jisu Tiberias somudro rugungha sisirau-jang pinhi nujaukha; ar bytamai edehe nujaukha.

2. Simon Petros, ar Didymos tiaba Thomas, ar Galili Kanani Nathanael, ar Zebedini bysarau ar bytamaini gubun sisigni gataisi dongba.

3. Simon Petros bonisikho tikha, Ang na rumma tangdu. Bonisi bokho tikha, Ta, jungbo nuni lugu tangnang. Bonisi baigohi tanghi rungha gakukha; bo horha bonisi musibo rumfuba giri.

4. Tikabo naju jakha, ebo bubliha Jisu dirgungha songkha; tikabo sisirau bysaur-mitifuiakho bytamainu Jisu.

5. Odebani Jisu bonisikho tikha, Afarau, nisini rugunghala jimukisa kusu dong? Bonisi bytamaikho tifinkha, Giri.

6. Iahungha bytamai bonisikho tikha, Rungni iaуда gyde je sai, mainang. Odebani bonisi je saikha, ar na gybang nangbani sainghi sugufuiakha.

7. Odebani Jisu jar sisikho khasauba, bytamai Petroskho tikha, Bytamai Bogobra. Boha Simon Petroskhanabahanu bytamai Bogobra, bo angorakha tuhi jengkhongsohi (sumune bo lengta dongba) somudroha baisengkha.

8. Tikabo gubun sisirau rung khasebaha gahi faikha (sumune bonisi dirgungni farang gyzaingha nia, bangdau bangiadau mujang ryja gini-senu jainghi dongba) ar na gyblaiaba je sainghi labkha.

9. Odebani bonisi dirgungha gakhui nukha longhangarni uai, boni bysauha na ar hon.

10. Jisu bonisikho tikha, Duha na rumiabakho kisa labu.

11. Odebani Simon Petros gakukha, ryjasi dangytam gede gedeba na gynangiaba je dirgungha saingkukha; tikabo isi na jangbo je sijia.

12. Jisu bonisikho tikha, Fai, ji. Namai sere? Ebo bytamaini sisirauni sausi bytamaikho sungrauiakha, sumune bonisi mitifuba, bytamai Bogobra.

13. Jisu faihi hon labuhi bonisine rikha, ar nabo rikha,

14. Githirauni bisingni farang bajabani iahungha Jisu ebonu alangtam sisirau jang nujauba.

15. Odebani bonisi jibaha Jisu Simon Petroskho tikha, Joanisni bysa Simon, ebositane nungla angkho khasaudau? Bo bytamaikho tikha, Ah Gobra; namai mitire ang namaikho khasaure. Bytamai bokho tikha Ani melma bysanisikho rauki.

16. Pinhi bytamai alang-gani bokho tikha. Joanisni bysa Simon, nungla angkho khasaure? Bo bytamai-kho tikha, Ah, Gybra; namai mitire, ang namaikho khasaure. Bytamai bokho tikha, Ani melma kharang.

17. Bytamai alang-tam bokho tikha, Joanisni bysa Simon, nungla angkho khasaure. Petros duku nangkha, bytamai alang-tam bokho tikha, Nungla angkho khasaure? Ar bo bytamaikho tikha, Gybra, namai kurubkhobo mitire, namai mitire ang namaikho khasaure. Jisu bokho tikha, Ani melma rauki.

18. Gibi gbinu, ang nungkho tidu, Nung naga dongbaha nung jengkhong sobi jarha mujungba daubaiba; tikabo rama khali nini iau pylaunang, ar malai nini jengkhong sorihi, jar hataniha nung mujungia, oraha langhi tangnang.

19. Bede thitai-jang bo Ishorkho man gynang khylainang, bokho funumaninu bytamai ebokho tiba. Ar ebokho tibraibani iahungba bytamai bokho tikha, Ani iahung ru.

20. Petros pinhi bo sisikho iahung iahung faiba nukha, jarkho Jisu khasauba, horni jibliha jar bytamaini khafauha sydianghi tiba, Gybra, sere namaikho rumrinang?

21. Odebani Petros bokho nuhi Jisukho tikha, Eboni sumu?

22. Jisu bokho tikha, Ang mujungkhade ebo ang faifiniase dongre, boha nuni sumu? Nung ani iahung ru.

23. Odebani ebo gyrau dafungrauni bisingha baigokha, bo sisi thinang nia; tikabo Jisu bokho tiba giri, bo thinang nia; bytamai tiba, Ang mujungkhade ang faifiniasi dongre boha nuni sumu?

24. Ebo bo sisi, jar ebo kurub bytaiha saki ridu, ar ebo kurub rebkha; ar jung mitire boni saki gibi.

25. Jisu gubunbo gybang kusi dangkha, bo kurub mungsi mungsi khylaihi rebma tikade, ang baudu bo rebiaaba laisima nisi fertihabo jaunang nia.

SHILLONG : Printed and published by E. HILL, Press Superintendent, Assam, at the
Secretariat Printing Office—(Genl.) No. 482—1,000—3-8-1904.

